

近
光
集

館閣之詩要於典
重而必出之以清
新俊逸汪中允退
谷以所選近光集
示予摠括四代之

詩以備應制之用
鴻筆鉅作旁羅博
採其詩典而有則
一皆本於性靈
觚之士所當奉為

程式者也中允之
論詩也舉少陵二
語曰冕旒皆秀叢
旌旆盡飛揚其論
書也舉東坡二語

曰端莊雜流麗剛
健含婀娜文章能
事盡乎此矣中允
自為諸生即受業
於余及余為院長

則中允已間居城
南時方纂脩方輿
路程辦官書外閉
戶雒誦終日不輟
暇則揮毫握管翰

墨播四方所選文
苑麗則玉堂掌故
皆翰林家法茲近
光集其一竊也先
以問世必以余為

知言海寧陳乾齋
元龍序

康熙五十八年歲
次己亥四月廿二

日書

四月八日

氣態五十八年

天簪家

笑言海峽

鉉自少學於從父鈍翁先生之
門竊窺文章指趣及弱冠來京
師繼遊於四方與賢士大夫交
益得博聞緒論歲甲戌從弟倅
入翰林屬余裒集古詩文字以
備館閣之體於應制之作則有
玉堂金鑰之選於言情之什則
有陶冶性靈集之選於四六則

有文苑麗則之選皆取其高華
典雅清新俊逸之詞玩而習之
以適於用嗣是南北行篋輒攜
以從癸未歲以先人遺事躑躅
岷山洮水間夜渡渭河從者不
戒裝囊皆入渭水中時嚴冬冰
雪馬瘖僕痛不復反顧而去三
數年來時々往來於胸昨者謬

廁

禁庭叅與編纂之餘從容研席
因得復理舊業於歷代名人之
詩重加點勘合訂分類成二十
八卷其體雖不皆應制然鴻篇
傑作關乎館閣者十居八九而
單詞警句亦間為摘錄名之曰
近光集庶幾覽者知余以不才

之身叨蒙

聖訓得勉力於文詞者皆

聖天子涵濡養育之恩也左春

坊左中允兼翰林院編修 曰

講起居注官汪士鋐謹序

康熙五十八年歲次己亥五月

朔日書

雜論

唐人選國秀集序云陸平原之論文曰詩緣情而綺靡是彩色相宣煙霞交映風流婉麗之謂也仲尼采古詩三千餘什得三百五篇皆舞而蹈之絃而歌之亦取其順澤也茲集披林擷秀畧同斯旨中興閒氣集鄭都官以爲品題未工然所謂體格風雅理致清新者後人固無以易之也

姚武功撰極玄集凡二十一人云此詩永射雕手也雖止取其性之所近然亦可謂精詣余撰次五

言實所宗仰宋人姜白石亦有批點極之集最爲善本

韋穀才調集於晚唐採取幾半虞山馮氏最重此書往往以之教人有批點本近已刊出流播人間其名作亦半在此集矣

宋宣獻歲時雜詠自唐而止蒲積中又採西岷及蘇黃以下附之每類各分古今其書未免欲備節序不暇決擇今並去其蕪穢存其菁英另爲一編而擇其尤者錄入此集

方虛谷瀛奎律髓取登瀛聚奎之義兼采唐宋馮氏批駁最妙已蒼先生於宋人中專摘西江派生硬之病其言似乎太過然矯枉自不得不然其可誦者亦登斯集

唐人省試皆限六韻其取韻多用題中字間有別用一韻者此唐人試法也今省試詩亦爲附入文苑英華載省試詩十卷其可採者頗少三條燭下雖古人亦難盡工也

馮氏云律詩兩句一聯四句一絕自四韻以至百

韻亦止如此蓋其法窮而無所復之不得於四韻之外更有增加也是四韻至百韻本非殊科彙而爲一亦猶元白長慶集之前例也

馮氏云排律排字始於高廷禮唐詩品彙其說最足貽悞後學古人雖有排比聲律之語何曾直名之爲排律故今以五言大篇附於四韻六韻之後而去其排律名目

老杜論吳道子畫云冕旒俱秀發旌旆盡飛揚則於莊重之中何嘗不具飛動之致東坡論書亦云

端莊雜流麗剛健含婀娜並是此指今茲所採雖
多冠冕佩玉之音然必汰除板重庶幾皆所謂前
輩飛騰入餘波綺麗爲者也

四句詩今人但謂之絕句不知亦有兩韻律詩也
今以五七言絕句編於卷末其法有四句俱對者
有兩句對者有當句對者有四句全不對者體格
雖殊要之非如宋人所云截八句詩十四句也
起承轉合固是詩篇自然所有大馮專以此教初
學而定遠先生持論則欲學者化其板法尤爲精

妙要之起欲突兀接欲有力結欲使之不盡故謝朓驚人專工發端而落句強弩之末尤須餘勇可賈不愁明月盡自有夜珠來沈宋優劣正以此分也

瀛奎律髓中有拘體馮氏云律詩只論聲病何拘平仄雖老杜詩亦有拘字今聲病之學不傳既謂之律詩取其音韻調協拘體詩雖不作可也茲集中拘體閒附一二餘俱汰之

或以此書所摘切對名句疑其徒資獺祭不知一

篇警策亦復在此且句法正須工鍊自齊已便撰
風騷旨格也况集中不少大篇首尾具備固可引
而伸之得其縱橫排空之法

東坡云作詩必此詩定知非詩人學詩者固不可
以類求也茲之撰次稍爲纂類不過欲讀者便於
檢閱耳

葉石林詩話云晉魏以前詩無過十二韻者因推而
求之三百篇中惟閟宮之四章多至十二韻蓋古
人作詩惟以抒寫性情言盡而止固無取乎誇多

也至唐以下詩有用一韻中字義盡者有多至百韻者律詩百韻則始於工部之夔府咏懷而樂天之代書東南行諸篇繼之其後才薄力寡鮮有過者今略舉工部樂天義山諸作以爲大篇之式餘或閒採不概錄也

王荆公百家選獨於楊景山王仲初方雄飛錄其七言長律顧亭林日知錄有云古人不用長句成篇七言排律所以少作作亦不工以意多冗字多懈也爲七言者必使其不可裁而後工斯言得之

故採錄殊少

沈存中筆談論律詩偏正格甚詳但不知所本蓋相傳如此唐人絕句不粘者爲折腰體河嶽英靈集序中有粘綴字韓偓香奩云聯綴體蓋唐人之法疑始於沈宋此鈍吟之言也

鈍吟又云詠物前人多有寄托宋人多作著題語不惟格韻卑弱詩人比興之旨自此衰矣

唐初文章沿徐庾之體雖未成律詩然遞相祖述以漸移易固沈宋師匠之自出也老杜稱太白之

詩曰清新庾開府又云往往似陰鏗亦曰云頗學
陰何苦用心格調稍殊波瀾莫二其可少乎今取
永明以後至唐初詩別爲一集嗣卽刊質

康熙五十八年五月汪士鋐識

近光集目

長洲汪士鋐 文升編

卷一 五言律

天文

卷二 五言律

時令上

卷三 五言律

時令下

卷四 五言律

地理上

卷五

五言律

地理下

卷六

五言律

帝王

卷七

五言律

官寮上

卷八

五言律

官寮下

卷九

五言律

巡幸

卷十

五言律

朝會

寓直

卷十一

五言律

宴饗

祭祀

卷十二

五言律

文學

武功

卷十三

五言律

釋教

道流

卷十四

五言律

物類

卷十五

七言律

天文

時令上

卷十六

七言律

時令下

地理上

卷十七

七言律

地理下

卷十八

七言律

帝王

官寮上

卷十九

七言律

官寮下

科第

卷二十

七言律

巡幸

朝會

寓直

卷二十一

七言律

宴饗

祭祀

卷二十二

七言律

文學

武功

釋道

卷二十三

七言律

物類

卷二十四

五言絕句

卷二十五

七言絕句

卷二十六

七言絕句

卷二十七

七言絕句

卷二十八

七言絕句

往在

直廬從容筆墨因成此書聊備遺忘

比年以來閒居城南彌復增損兼纂述舊聞
與二三同人互相叅注不敢謂援據精審爰
付剞劂以正博雅秋泉居士汪士鋐識

十

七

一

一

竹簡以五種

煉泉居士玉士

與三同人

...

引羊以來...

近光集卷一 五言律

長洲汪士鋐 文升編纂

崑山徐修仁 用晦叅注

天文上

賦得日暖萬年枝

王約

靄靄彤庭裏沈沈玉砌隄初升九華日潛暖萬年
枝煦嫗光偏好青蔥色轉宜每因韶景麗長沐惠
風吹隱映當龍闕氛氲隔鳳池朝陽光照處惟有
近臣知

彤庭

西都賦玉階彤庭注彤赤也

玉砌

劉楨魯都賦金陛玉砌

九華日

雲笈七籤上清真人呼日月為大寶九華

萬年枝

景福殿記綴以萬年綵以紫榛註晉

宮閣名曰華林園

煦嫗

禮記天地訓今陰陽相得煦嫗復育萬物

青

蔥

左思詩峭蒨青蔥問竹栢待其真

韶景

梁元帝纂要春景曰韶景

惠風

王

之蘭亭序

龍闕

三輔舊事未央宮東有蒼龍闕

鳳池

晉書荀勗傳勗久在

中書省專掌機事及失之甚罔悵或有賀之者勗曰奪我鳳凰池諸君賀我耶

詠日

李嶠

日出扶桑路遙升若木枝雲間五色滿霞際九光披東陸蒼龍駕南郊赤羽馳傾心比葵藿朝夕奉

光曦

扶桑

山海經湯谷上有扶桑十日所次

若木

山海經灰野之山有樹名曰若木日

所入

五色

禮斗威儀政理太

九光

尚書考靈曜日有九光光

照四極

東陸

後漢律歷志日行東陸謂之春

蒼龍駕

淮南子注日乘車駕以六

龍羲和御之

赤羽

家語子路日由願得赤羽若日白羽若月

令狐舍人說昨夜西掖翫月

李商隱

昨夜月輪明傳聞近太清涼波衝碧几曉暈落金

莖露索秦宮井風絃漢殿箏幾時緜竹頌擬薦子

虛名

西掖

宋敏求長安志宣政殿前西廊曰月華門西有中書省即西掖也亦稱西省漢成帝

紀註師古曰掖門在兩傍如人臂掖也

太清

鷓冠子上及太清下及太寧

碧瓦

劉駒駱詩縹

金莖

西都賦抗僂掌以承露擢雙立之金莖李善註金莖銅柱

也漢武帝作栢梁銅柱承露僂人掌之屬見史記封禪書

露井

古詩桃生露井上

風

箏

杜甫詩風箏吹玉柱宋郭知達本註風箏謂挂箏於風際風至則鳴也

綿竹頌

文選甘泉賦註李周翰曰雄嘗作綿竹頌成帝時直宿郎楊莊誦此成帝曰似相如之文莊曰

非也此臣邑人揚子雲帝即召見拜黃門侍郎

薦子虛

史記司馬相如傳蜀人楊得意

為狗監侍上上讀子虛賦而善之得意曰臣邑人司馬相如自言為此賦上驚乃召問相如

璧池望秋月

張子容

凉夜窺清沼池空水月秋滿輪沈玉鏡半魄落銀
鈎蟾影搖輕浪菱花度淺流漏移光漸潔雲斂色
偏浮似璧悲三獻疑珠怯再投能將千里意來照

楚鄉愁

鏡鈎

葛洪西京雜記公孫乘月賦曰蟾影

請不死之藥於西王母常娥竊之以奔月是為蟾蜍菱花飛燕外傳飛燕始知大號婕妤

奏上三十六物以賀三獻韓子楚八和氏得玉有七尺菱花鏡一奩

武王王使玉人相之曰石也王以和為詐而刑其左足及文王即位和又奉其璞以獻玉人又

曰石也又刑其右足成王即位和乃把其璞而哭於楚山之下王乃使玉人攻璞而得寶焉

再投鄒陽獄中上書臣聞明月之珠夜光之璧以暗投人於道衆莫不按劍相盼

賦得月照冰池

李商隱

皓月方離海堅冰正滿池金波雙激剌璧彩兩參差影凸徘徊處光含的皦時高低連素色上下接清規顧兔飛難定潛魚躍未期鵲驚俱欲遶狐聽始無疑似鏡將盈手如霜恐透肌獨憐游翫意達曉不知疲

金波

漢書郊祀歌月穆穆以金波

的皦

子虛賦明

言月光穆穆若金之波流也
月珠子的皦江靡註說

清規

梁簡文帝詩綠潭倒雲氣青山銜月

規

顧兔

楚詞夜光何德死而又育厥利維何而

月之腹而

顧望乎

鵲驚

魏武帝詩月明星稀烏鵲南飛

狐疑

水經註述

津河寒則冰厚數寸冰始合車馬不敢過要須狐行云此物善聽水下無水乃過

泛江翫月十二韻

并序

元稹

予以元和五年自監察御史貶授江陵士曹

掾六月十四日張季友李景儉二侍御王文

仲司錄王衆仲判官兩昆季爲一載酒炙選

聲音自府城之南橋乘月泛舟窮竟一夕予

因賦詩以紀之

楚塞分形勢，羊公壓大邦。因依多士子，參畫盡敦龐。
 龐岳壁閑相對，荀龍自有雙。共將船載酒，同泛月臨江。
 遠樹懸金鏡，深潭倒玉幢。委波添淨練，洞照滅凝缸。
 闐咽沙頭市，瓊瓏竹岸窗。巴童唱巫峽，海客話神瀆。
 已困連飛蓋，猶催未倒缸。飲荒情爛漫，風棹樂崢嶸。
 縱勝事他年，憶愁心此夜。降知君皆逸，韻須為應莛撞。

楚塞

江淹詩始知楚塞長國策楚有汾陰之塞

羊公

晉羊祜傳武帝有滅吳之志以

祜都督荆州諸軍事

岳壁

世說潘安仁夏侯湛並有美容喜同行時人謂之連璧晉書潘

岳字荀龍後漢書荀淑字季和有子八人儉緄靖燾汪爽肅專並有名稱時人謂之

荀氏八龍**金鏡**藝文類聚尚書考靈耀**淨練**謝朓詩澄江淨

如**釭**說文俗謂**瀧**水名說文瀧**琤**琤初庚切**撻**博雅撻撞

也楚**蕙撞**東方朔客難以蕙撞鐘劉向說苑子

莊切其音聲哉
唐寅切

句

四更山吐月殘夜水明樓杜甫月

賦得壽星見
盧渥

玄象今何應時和政亦平祥為一人壽色映九霄

明皎潔垂銀漢光芒近斗城含規同月滿表瑞得
天清甘露盈條降祥煙向日生無如此嘉祉率土

荷秋成

壽星

黃帝占老人星一名壽星色黃明大則主壽昌天下多賢士

玄象

晉卞壺賀

老人星表玄象垂耀老人啟徵

銀漢

初學記天河謂之天漢亦曰銀漢

斗城

漢書

元帝紀帝初築長安城城南為南斗形北為北斗形

甘露

禮記天降膏露孝經援神契甘

露一名膏露

賦得郎官上應列宿

公乘億

北極佇文昌南宮曉拜郎紫泥乘帝澤銀印佩天

光緯結三台側鈎連四輔傍佐商依傳說仕漢笑
馮唐委珮搖秋色峩冠帶晚霜自然符列象千古

耀巖廊

列宿

後漢明帝紀館陶公主為子求郎不許謂群臣曰郎官上應列宿出宰百里苟非其人則民受其殃是以難之

北極

爾雅北極謂之北辰註北極天之中以正四時

文昌

史記天官書斗魁戴匡六星曰文昌宮

南宮

天官

荀綽晉百官表註尚書為文昌天府

紫泥

荀洪西京雜記漢以武都

南宮也漢高帝紀上居南宮

銀印

漢百官公卿表凡吏秩比二千

劉孝威詩驛報紫泥書

石以上皆

三台

天官書魁下六星兩兩相比名三能註音三台

四輔

天官

銀印青綬

天文

書中宮天極星其一明者太乙常居也旁三星三公後句四星末大星正如餘三星後宮之屬也索隱註句音鈎星經以為後句四星名為四輔

傳說莊子傳說得之以相武丁奄有天下乘東維騎箕

馮唐史記馮唐傳為中郎署凡此比於列星

唐曰父老何自為郎師古漢書

委珮禮記主佩註言年已老矣何乃自為郎也

委珮漢董仲舒傳注

巖廊廊謂巖峻之廊也

委冠楚辭冠切

同劉冕喜雨

唐明皇

節變寒初盡時和氣已春繁雲先合寸膏雨自依
 旬颯颯飛平野霏霏靜暗塵懸知花葉意朝夕望

中新

合寸

公羊傳觸石而出膚寸而合不崇朝而遍雨天下者惟泰山雲爾〔註〕側指為膚按指

寸為

奉和春日遊苑喜雨應制

李嶠

仙蹕九重臺香筵萬壽杯
一旬初降雨二月早聞
雷葉向朝躋密花含宿潤
開幸承天澤豫無使白

光催

朝躋

詩薈兮蔚兮南山朝躋毛傳躋升雲也賧西切

春日遊苑喜雨應制

李乂

園林春正歸入暮弄芳菲
密雨移仙步低雲拂御

正光集

卷之二 天文

衣危花沾易落度鳥濕難飛膏澤登千庾歡情遍
九圍

單于川對雨

蘇味道

飛雨欲迎旬浮雲已送春還從濯枝後來應洗兵
辰氣合龍祠外聲過鯨海濱伐邢知有屬已見靖
邊塵

單于川

元和郡國志東受降城本漢定襄郡之盛樂縣武德四年平突厥於此置雲州

貞觀二十年改為雲中都督府麟德三年改為

單于大都護府杜氏通典註有金河上承紫河

及象水又濯枝周處風土記六月洗兵說苑武

南流入河有大雨名濯枝雨王伐紂

大風折旆風霽而乘以大雨散宜生
曰此非妖與王曰非也天洗兵也
伐邢左傳
甯莊子曰昔周饑克殷而年豐今邢方無道諸
侯無伯天其或者欲使衛討邢乎從之師興而
雨

中書遇雨

錢起

濟旱惟宸慮爲霖卽上台雲銜七曜起雨拂九門
來綸閣飛絲度龍渠激溜迴色翻池上藻香裛鼎
前盃湘燕皆舒翼沙鱗豈暴腮尺波應爲假虞海
載沿洄

濟旱

書若歲大旱用汝作霖雨

上台

晉志三台六星兩兩而居三公之位在天曰三

台西近文昌二星日上台為司命主壽次二星
日中台為司中主宗室東二星曰下台為司祿

主七曜張衡靈憲渾儀文曜麗乎天
兵七曜其動者七日月五星是也
綸閣初學記中

書職掌綸誥前代
詞人因謂綸閣
湘燕湘州記零陵內有石燕遇風雨則飛止還為石

沙鱗荀子儵鮪者浮陽之魚也暴於沙而思水則無逮矣
註謂此魚好浮於水上就陽也

尺波陸機詩寸陰無停晷尺波豈徒旋

春夜喜雨

杜甫

好雨知時節當春乃發生隨風潛入夜潤物細無聲
野徑雲俱黑江船火獨明曉看紅濕處花重錦

官城

錦官城

水經註成都夔里橋南岷道西有城故錦官也言錦工織錦則濯之江而錦至

鮮明濯以他江則錦色弱矣

裴端公使院賦得隔簾見春雨

包何

細雨未成霖垂簾但覺陰惟看上砌濕不遣入簾
深度隙霑編簡因風潤綺琴須移戶外屨簷溜夜
相侵

戶外屨

禮記戶外有二屨莊子無幾何而往則戶外之屨滿矣

東閣雨中

歐陽修

直閣時偷暇幽懷坐獨哦綠苔人迹少黃葉雨聲

多雲結愁陰重風傳禁漏過瑤圖新嗣聖玉塞久
 拋戈相府文書簡豐年氣候和還將鳳池句聊雜
 野人歌

集英殿賜百官宴以雨放

梅堯臣

春來無點雨三月始聞雷曉殿鳴簷急群公罷食
 迴燕迎風翅健馬踏霧泥開晚覺微陽透飛光上
 綠槐

集英殿

玉海集英殿舊元德殿亦曰廣政開寶
 二年改大明淳化元年改含光祥符八

年改會慶明道元年改元和等
 改今名春秋誕聖節錫宴此殿

和小雨

梅堯臣

蛟龍噴白雲天外細濛濛
露土曾無迹昏林似有
風卷旗妨酒舍濕翅下洲
鴻稍見斜陽透西雲一
半紅

西清對雨

高啟

楚臺雲起遠漢苑雨來微
曉濕宮城旆寒沾陛楯
衣溝中隨葉墮鑪畔帶煙
飛坐詠西清暇君王召
對稀

西清

甘泉賦溶方皇於西清注
西清西廂清閒之處也

陛楯衣

史記滑
稽傳秦

始皇時置酒而天
雨。陛楯者皆苦寒

夏日喜雨寫懷

金幼孜

粉署依丹禁城虛爽氣多好風天上至涼雨曉來
過翠島浮香靄瑤池澹綠波九重閒視草時復幸

鑾坡

粉署

通典粉署郎署也以粉畫之故云按漢官儀省中皆以胡粉塗壁畫古賢烈士然則

凡署在省中

視草

李肇翰林志唐至德後天子召集賢學士於禁中草書詔

雖宸翰所揮亦資
其檢討謂之視草

鑾坡

韋述兩京新記金鑾殿旁坡名金鑾坡

夏過日初長連朝雨送涼捲簾書帙靜開戶燕泥

香賜果來東閣分
冰近御牀小臣叨
侍從屢得被恩光

句

斷虹迎日盡飛雨
帶龍腥

梅聖俞新晴

漲江垂縹緲驟雨
鬧芭蕉

鄭谷蜀中夏日

野次喜雪

唐明皇

拂曙闢行宮
寒臯野望通
繁雲低遠岫
飛雪舞長空
賦象恒依物
縈廻屢逐風
爲知勤恤意
先此示年豐

行宮

蔡邕獨斷天子自謂曰行在所
巡狩天下所奏事處皆為宮

年豐

毛萇詩傳

豐年之冬
必有積雪

奉和聖製喜雪應制

張說

聖德與天同封巒欲報功詔書期日下靈感應時
通觸石雲呈瑞含花雪告豐積如沙照月散似麴
從風舞集仙臺上歌流帝樂中遙知百神喜灑路
待行宮

觸石

見合寸註

含花

韓詩外傳凡草木花皆五出雪花獨六出

百神

詩懷柔百

神灑路

韓子黃帝合鬼神於太山之上風伯進掃雨師灑路

和姚合公從幸溫湯喜雪

張九齡

萬乘飛黃馬，千金狐白裘。正逢銀靄積，如向玉京遊。瑞色鋪馳道，花文拂綵旒。還聞吉甫誦，不共郢

歌儔。

溫湯

長安志：驪山在臨潼縣東南二里。溫湯在山下。開元後，明皇嘗以十月幸溫泉，歲盡

而飛黃馬

淮南子：黃帝治天下，青龍迎駕，飛黃歸。服皂。註：飛黃如狐，背上有角，乘之壽

三千狐白裘

史記：孟嘗君傳：孟嘗君有狐白裘，價值千金。詩：如彼歲

集維靄。鄭箋：將大雨始，必微溫。雪自上下，遇溫氣而搏，謂之靄。久而寒勝，則大雪矣。

玉京

靈樞金景內經下

馳道

吳都賦註：漢書音義：離塵障上界玉京。日馳道，天子之道。

吉

甫誦詩吉甫作誦 郢歌宋玉對楚王問客有歌於郢中者其始曰下里

巴人國中屬而和者數千人其為陽阿薤露國中屬而和者數百人其為陽春白雪國中屬而和者不過數十人

陪幸臨渭亭遇雪應制 李义

青陽御紫微白雪下彤闈
浹壤流天霈綿區灑帝輝
水如銀度燭雲似玉披衣為得因風起還來就日飛

臨渭亭長安志在西內苑去宮城二十一里 青陽爾雅春為青陽 銀度燭

穆天子傳天子之寶璿珠 燭銀注銀有精光如銀也 玉披衣王孚安成記玉女岡天欲

雨雲便湧出於石間色有
玄黃故人謂之玉女披衣

遊禁苑幸臨渭亭遇雪應制
徐彥伯

玉律藏冰後彤階飛雪時日寒消不盡風定舞還
遲瓊樹畱宸矚璇花入睿詞懸知穆天子黃竹謾

言詩

禁苑

舊唐書禁苑在皇城之北苑城東西二十

七里南北三十里東至霸水西連長安故

城南接京城北枕渭水苑

後漢律曆志候

內離宮亭觀二十四所

玉律十二惟二至乃藏冰

左傳日在北

候靈臺用竹律六寸
陸而藏冰
黃竹
穆天子傳丙辰天子遊黃臺之丘獵於萃澤日中大
寒北風雨雪有凍人天子作黃竹詩三章以哀

之

奉和人日清暉閣宴群臣遇雪應制

宗楚客

窈窕神仙閣參差雲漢間九重中禁啟七日早春
還太液天為水蓬萊雪作山今朝上林樹無處不
堪攀

清暉閣

長安志在大明宮蓬萊殿內

太液池

史記封禪書武帝於建章宮北

治大池名曰太液池中有蓬萊方丈瀛州壺梁象海中神山

上林

漢苑名三輔故事上

林連綿四

百餘里

奉和聖製人日清暉閣宴群臣遇雪應制

蘇頲

樓觀空煙裏初年瑞雪過苑花齊玉樹池水作銀
河七日祥圖啟千春御賞多輕飛傳綵勝天上奉

薰歌

玉樹

山海經崑崙之墟北有珠樹文玉樹玕琪樹

銀河

廣志天河曰銀河

綵

勝

荆楚歲時記正月七日為人日以七種菜爲

之頭鬢

晉賈克李夫人典戒人日造勝葶相

遺像瑞圖金勝之形又像西王母戴勝也

薰

風

尸子舜作五弦之琴以歌南風曰南風之

薰兮可以解我民之愠兮亦見世紀家語

正

卷之二 天文

和陳校書省中翫雪

包融

芸閣朝來雪飄飄正滿空
寒開明月下校理落花
中色向懷鉛白光因翰簡
融能令草玄者廻思入
流風

芸閣

魚豢典畧芸香辟紙魚蠹故藏書臺稱芸臺亦曰芸閣芸署

草玄

漢揚雄傳

哀帝時丁傅董賢凡事諸附離之者或起家至二千石時雄方草太玄有以自守泊如也

和謝舍人雪夜寓直

皇甫曾

禁省夜沈沈春風雪滿林
滄洲歸客夢青瑣近臣
心揮翰宣鳴玉承恩在賜金
建章寒漏起更助掖

垣深

青瑣

漢元后傳曲陽侯根驕奢僭上赤墀青瑣

注孟康日以青畫戶邊鏤中師古曰青瑣者刻為連瑣

鳴玉

禮記行則鳴佩玉晉嵇康傳鳴玉殿省

建章

漢武

帝紀太初元年

掖垣

劉楨詩誰謂相去遠隔此西掖垣

和張丞相春朝對雪

孟浩然

迎氣當春立承恩喜雪來潤從河漢下花逼艷陽

開不覩豐年瑞安知燮理才撒鹽如可擬願和糝

羹梅

艷陽

鮑昭詩艷陽桃李節

燮理

書茲惟三公論道

撒鹽

世說

謝安雪日內集兒女講論文義俄而雪驟公欣然曰白雪紛紛何所似兄子朗兒曰撒鹽空中差可擬兄女曰未若柳絮因風起

羹梅書若作和羹爾惟鹽梅

禮部試早春殘雪

姚康

微暖春潛至輕明雪尙殘銀鋪光漸濕珪破色仍寒無柳花常在非秋露正團素光浮漸薄皓質駐應難幸得依陰處偏宜帶月看玉塵消欲盡窮巷起袁安

珪宋謝惠連雪賦既因方而為珪亦遇圓而成璧玉塵梁何遜詩若逐微風起誰云非

玉袁安汝陽先賢傳時大雪積地丈餘洛陽令按行至袁安門無有行路謂安已死令塵

人除雪入戶見安僵卧問何以不出安曰大雪人皆餓不宜干人令以爲賢舉爲孝廉

和劉夢得終南秋雪
白居易

遍覽古今集都無秋雪詩陽春先唱後陰嶺未消
時草訝霜凝重松疑鶴散遲清光莫獨占還對白

雲司

陽春

見郢歌註

白雲司

漢百官公卿表註應劭曰黃帝受命有雲瑞故以雲紀官

春官爲青雲夏官爲縉雲秋官爲白雲冬官爲黑雲中官爲黃雲按舊唐書白居易傳大和二年正月轉刑部侍郎作詩當在此時

雪

尤表

睡覺不知雪但驚窗戶明
飛花厚一尺和月照三更
草木淺深白丘塍高下平
饑民莫咨怨第一念
邊兵

雪中呈許守

趙慤

剪水作花開紛紛天上來
聲清偏傍竹艷冷欲欺
梅積潤滋牟麥餘膏丐
草萊窮檐休太息幾日是
春回

雪夜宿翰林院呈危宋二院長

高啟

偶伴王摩詰寒宵宿禁林院鈴風外靜宮漏雪中
沈絳蠟銷銀燭青綾擁賜衾明朝陪賀瑞銀闕曉
光深

王摩詰

唐書王維字摩詰累遷給事中後下遷太子中允入之遷中庶子三遷尚書右

丞院鈴

翰林故事唐翰林院有懸鈴以備夜直警急文書出入皆引之以代傳呼

燭

江總詩挂纓銀燭下

青綾

蘇易簡續翰林志凡初遷者賜衣內殿給青綺綾被青綾

單帕紫絲履白布手巾之類

禁中雪

高啟

君玉元尚儉臺殿忽瓊瑤環素凝宮沼飛花綴苑

條坊雞驚曙早仗馬喜寒驕金扇開時看丹墀掃
 後朝台司呈賀表樂部奉仙謠須信陽光近都先
 別處消

坊雞

唐百官志閑廐使押五日雞坊

仗馬

唐百官志飛龍廐日以八

馬列宮門之外號曰南衙立仗馬仗下乃退

金扇

唐儀衛志唐制人君舉動必以扇

元日雪霽早朝大明宮和辛良史省郎廿

二韻

張雨

纔設中庭燎俄看密霰飄歲開環甲紀星動指寅
 杓鳳集天門榜珂鳴月殿橋卿雲同四表和氣集

三朝陞級肪初截雲層玉旋雕句陳分彩隊步輦
簇青腰積屑承盤重吹花到笏消透迤光斧座凌
亂綴珠翹樂共爐煙合班隨翠袖招閩風游廣漢
玉局道逍遙北戲魚龍舞中岳虎豹調旌旗攢鬣
屬冠劍掠招搖穆滿曾觴母洪崖及見堯萬年臨
紫極一日慶璇霄朝會儀如此騫騰意頗饒身唯
參寂莫世豈絀紛囂姑射消疵癘蓬萊倚穴寥瑤
華攙戴勝朱樹引回鑣有術探鴻寶何人識爨焦
竟須窮海岱直擬並松喬書就神牀寫香從別室

燒憐君守華省琢句廢春宵

大明宮

陶宗儀輟耕錄大內南臨麗正門正衙曰大明殿乃登極正旦朝賀之正衙也

寅杓

禮記月令注孟春者斗建寅之辰也更記天官書攝提者直斗杓所指以建時節

天門榜

楚辭廣開兮天門杜珂說文珂石次玉詩天門日射黃金榜

珂唐儀衛志三品以上珂九子四品七子五品五子

月殿

謝莊月賦去燭房即月殿

雲

史記天官書若煙非煙若雲非雲郁郁紛紛蕭索輪囷是謂卿雲

三朝

漢孔光傳

歲之朝曰三朝註歲之朝月之朝日之朝曰三朝

截肪

魏文帝與鍾大

稱美玉白如截肪注通俗文曰脂在腰曰肪

句陳

西都賦周以鉤陳之位隋天文志句

陳六星在紫微宮中故天子殿前亦有句陳所以法天也

步輦

西都賦乘茵步輦

青

腰

淮南子秋三月青女乃出降霜雪也

積屑

三輔故事

武帝作銅露盤承

斧座

禮記天子負斧展南向而立註狀如屏風以絳

為質高八尺東西常

珠翹

王逸楚辭註翹羽也

閨風

東方朔十

洲記崑崙其北

玉局

白氏六帖李老君與張道陵至成都右局脚玉牀自

地而出故以

魚龍虎豹

典略明帝使博士馬均作司南車小轉百戲正

月朝造巨獸魚龍曼延弄

鬣

西京賦巨靈鬣

馬倒騎備如漢西京故事

招搖

禮記招搖在上急繕其怒註

穆

許備切

滿

穆天子傳觴王母於瑤池之上

為誰日洪

姑射

莊子藐姑射之山有神人焉

蓬

萊

見蓬瀛註

沈寥

楚辭沈寥兮天高而氣清註沈寥曠薄而虛轉也或曰猶蕭條而無

雲也沈音血

戴勝

董勛問禮正月一日造勝華以相遺

珠樹

見玉樹註

鴻寶

漢劉向傳淮南有

爨焦

後漢蔡邕傳吳人有燒桐以爨者邕聞火烈之

聲知其良木因請而裁為琴果有美音而其尾猶焦故時人名曰焦尾琴焉

松喬

西都

賦庶松喬之群類時遊從乎斯庭註列仙傳曰赤松子者神農時雨師也服冰玉以教神農又

曰王子喬者周靈王太子晉也道人浮丘公接以上嵩高山

句

密勢因風力輕姿任物形

梅堯臣雪詠

暮雲如潑墨春雪不成花

陸游雪中

夜映非真曉山明不覺遙

楊萬里
雪

狀花飛著樹如玉不成盤

可頻瑜增陰
殘雪

月夜梧桐葉上見寒露

戴察

蕭疎桐葉上月白露初團滴瀝瑤光滿熒煌素彩
寒風搖愁玉墜枝動惜珠乾氣冷知秋晚聲微覺
夜闌凝空流欲遍潤物靜宜看莫厭窵臨倦將晞
聚更難

將晞

詩湛湛露斯
匪陽不晞

和中書侍郎院壁畫雲

李收

粉壁畫雲成如能上太清影從霄漢發光照掖垣
明映篠多幽趣臨軒得野情獨思作霖雨流潤及
群生

作霖

見濟旱註

賦得白雲向空盡

周存

白雲生遠岫搖曳入晴空乘化隨舒卷無心任始
終欲銷仍向日將斷或因風勢薄飛難定天高色
易窮影收元氣表光滅太虛中况若從龍去還施
潤物功

元氣

揚雄解嘲大者含元氣小者入無間

太虛

莊子道不遊太虛

從龍

易雲

從龍風從虎

春雲

裴澄

漠漠復溶溶乘春任所從映林初展葉觸石未成
峯旭日消寒翠晴煙點淨容霏微將似滅深淺又
如重薄彩臨溪散輕雲帶雨濃空餘負樵者嶺上
自相逢

展葉

崔豹古今注黃帝與蚩尤戰於涿鹿之野常有五色雲氣金枝玉葉止於帝上

成

峯

晉顧愷之詩夏雲多奇峯陳張正見詩根危纔吐葉氣弱未成峯

春雲

鄧倚

搖曳自西東依林又逐風勢移青道裏影泛綠波
 中夕霽方明日朝陽復蔽空度關隨去馬出塞引
 歸鴻色任寒暄變光將遠近同為霖如見用還得
 助成功

青道

漢天文志立春春分月東從青道

白雲起封中

李正辭

千年泰山頂雲起漢皇封不作奇峯狀寧分觸石
 容為霖雖易得表聖自難逢冉冉排空上依依疊

影重素光非曳練靈貺是從龍豈學無心出東西
任所從

封中

史記叙武帝封禪云其夜若有光晝有白雲起封中

無心出

陶潛歸去來辭

雲無心以出岫

詠霧

蘇味道

氤氳起洞壑遙裔匝平疇乍似含龍劍還疑映蜃
樓拂林隨雨密度垆帶煙浮方接公超步終從彥
輔遊

龍劍

雷次宗豫章記有紫氣見斗牛之間張華聞雷孔章妙達緯象乃要宿屏八問孔章

日惟斗牛之間有異氣是寶物之精上徹於天耳孔章具言精在豫章豐城遂以為豐城令至縣掘得二劍孔章乃留其一後其子為建安辰從事經淺瀨劍忽於腰間躍出入水變為龍

樓

史記天官書海旁蜃氣象樓臺

公超

謝承後漢書河南張楷字公超性好道術能作

五里霧

彥輔

世說衛伯玉為尚書令見樂廣與中朝名士說論奇之日此人之水鏡

也見之若披雲霧而觀青天晉書樂廣字彥輔

賦得風不鳴條

盧肇

習習和風至過條不自鳴暗通青律起遠望白蘋生拂樹花仍落經林鳥自驚幾牽蘿蔓動潛惹柳絲輕入谷迷松響開窗失竹聲熏絃方在御萬國

仰皇情

風不鳴條

西京雜記董仲舒曰太平之世風不鳴條開甲散萌而已矣雨不破塊潤

葉津莖而已矣鹽鐵論周公之時風不鳴條雨不破塊

青律

禮記孟春律中太簇爾雅

春為青陽

白蘋

宋玉風賦夫風起於青蘋之末

風不鳴條

黃頗

一作舒元與

五緯

一作習習

起祥飈無聲瑞聖朝稍開含露蘂

一作萼

纔轉惹煙條密葉應潛變

一作長

低枝幾暗搖林間

鶯欲嘯花下蝶微飄初滿綠堤草因生逐水苗

平無一事天外奏虞

一作雲

韶

五緯

西京賦五緯相汁以旅於東井註五星也

賦得風光草際浮

謝朓和徐都曹詩

陳祐

秀發王孫草春生君子風光搖低偃處影散豔陽

中稍稍移蘋末微微轉蕙叢浮煙傾綠野遠色澹

晴空汎彩池塘媚含芳景氣融清輝誰不挹幾許

賞心同

王孫草

楚辭王孫遊兮不歸春草生兮萋萋

君子風

風角風不及地二三尺者

此仁人君子之風也

蕙叢

宋玉風賦獵蕙草楚辭光風轉蕙泛崇蘭

邊風行

劉禹錫

邊馬蕭蕭鳴邊風滿積生暗添弓箭斗上鼓鼙
聲襲月寒暈起吹雲陰陣成將軍占氣候出號夜

翻營

占氣候

後漢郎顛傳學京氏易善風角注風角謂候四方四隅之風以占吉凶 庾信詩

八風占
陣氣

Blank manuscript page with vertical columns and faint bleed-through text.

近光集卷二 五言律

長洲汪士鋐 文升編纂

長洲宋允恭 元肅叅注

時令上

長安早春

張子容

開國移東井城池對北辰咸歌太平日共樂建寅
春雪盡黃山樹冰開黑水津草迎金埒馬花伴玉
樓人鴻漸看無數鶯遷聽欲頻何當桂枝擢還及
柳條新

東井

漢天文志漢元年十月五星聚於東井以曆推之從歲星也此高祖受命之符也按

唐高祖亦建都長安故云

建寅

見一卷

黃山

西京賦繞黃山而欸牛首漢書地理

志右扶風槐里縣有黃山宮

黑水

書黑水西河惟涇州山海經北海之內有山名幽都

黑水出焉史記索隱黑水源在伊州從伊州東南三千餘里至鄯州鄯州東南四百餘里至河

州入 金埒

晉王濟傳濟性豪侈時京洛地甚貴黃河濟買地為馬埒編錢滿之時人謂之

金溝說文 玉樓

十洲記崑崙山有金臺五所居玉樓之下 鴻漸

埒卑垣也 陸其羽可

用為儀

賦得春色滿皇州

謝朓和徐都曹詩

沈亞之

何處春歸好偏宜在雍州花明夾城道柳暗曲江

頭風軟遊絲重光融瑞氣浮闔雞憐短草浮燕傍
高樓繡轂盈香陌新泉溢御溝行看日欲暮迴騎
似川流

雍州

西都賦漢之西都在於雍州實曰長安

夾城

長安志開元二年築夾城入芙蓉園自大明宮夾亘羅城複道經通化門觀以達興慶宮次經春明延喜門至曲江芙蓉園而

外人不知也 曲江 康駢劇談錄曲江池本秦時
知也 曲江 豐洲唐開元中疏鑿為勝境

武德殿朝退望九衢春色

曹松

玉殿朝初退天街一望春南山初過雨北闕淨無
塵夾道天桃滿連溝御柳新蘇舒同舜澤煦嫗竝

堯仁佳氣浮軒蓋和風襲縉紳自茲憐萬物同入
發生辰

武德殿

唐六典度化之東曰武德殿西門其內有武德殿

縉紳

漢郊祀志注李奇曰

縉插也插笏於紳之大帶也臣瓚曰縉赤白色也紳大帶也

立春

冷朝陽

玉律傳佳節青陽應北辰土牛呈歲稔綵燕表年
春臘盡星迴次寒餘月建寅風光行處好雲物望
中新流水初消凍潛魚欲振鱗梅花蔣柳色偏思
越鄉人

土牛

王充論衡立春東耕為土象六或立土牛從氣應時示帥下也後漢禮儀志立春之

日施土牛耕人於

綵燕

荆楚歲時記立春日剪綵為燕以戴

星迴

次

禮記季冬日窮於次月窮於紀星迴於天言日月星辰至此皆周匝於故處也次舍也

消凍振鱗

禮記孟春東風解凍蟄蟲始振魚上冰

奉和立春日侍宴內出剪綵花應制

宋之問

金閣妝仙

一作新

杏瓊筵弄綺梅人間都未識天上

忽先開蝶繞香絲住蜂憐豔粉迴今年春色早應

為剪刀催

立春日侍宴內出剪綵花

李嶠

早聞年欲至剪綵學芳辰

一作綺

奇能似裁紅

巧逼真花從篋裏發葉向手中春不與時

一作韶

光

競何名天上人

剪綵

李遠

剪綵贈相親銀釵綴鳳真雙銜綵鳥兩兩度橋
人葉逐金刀出蟲隨玉指新願君千萬壽無歲不
逢春

銜綵鳥

任昉述異記吐綵鳥五色出巴東山中
天明淑景則吐綵長一尺須臾還吞之

陰晦則度橋人淮南子烏鵲填河
不吐成橋而度機女

次韻冲卿除日春

王安石

猶殘一日臘併見兩年春物以終為始人從故得
新迎陽朝剪綵守歲夜傾銀恩賜隨嘉節無功祇
自塵

守歲杜甫詩守歲阿戎家孟浩然詩守歲接七筵
傾銀杜甫詩傾銀注瓦驚人眼

共醉終同卧竹根

立春在元日

梅堯臣

新春與新歲時候不相先未肯欺殘雪何曾占舊

年綴條花剪綵插戶柳生煙獨坐空山裏惟驚節

物遷

插戶柳

按荆楚歲時記正月望日祭門先以柳枝插門又云江淮間寒食日皆折柳插

門立春及元日諸書俱無插柳事未知此詩何所本

酬樂天早春遊西湖頗多野趣恨不得與

微之同賞因思在越官重事殷鏡湖之遊

或恐未暇因成十八韻見寄樂天前篇到

時適會予亦宴鏡湖南亭因述目前所覩

以成酬答末章亦示暇誠則勞使之然亦

欲粗爲恬養之贈耳

浙東時

元稹

雁思欲回賓風聲乍變新各攜紅粉妓俱伴紫垣
人水面波疑縠山腰虹似巾柳條黃大帶菱葑綠
文茵雪盡纔通屐汀寒未有蘋向陽偏曬羽依岸
小游鱗浦嶼崎嶇到林園次第巡墨池憐嗜學丹
井羨登真

元註逸少墨池雅川
丹井皆越中異跡

雅歎遊方盛聊非

意所親白頭辭北闕滄海是東鄰問俗煩江界
覽想渭津故交音訊少歸夢往來頻獨喜同門舊

皆為列郡臣三刀連地軸一葦礙車輪尚阻青天
 霧空瞻白玉塵龍因雕字識犬為送書馴勝事無
 窮境流年有限身嬾將閑氣力爭鬪野塘春

西湖

祝穆方輿勝覽在杭州西周廻三十里其間出諸澗泉山川秀發四時畫舫遨遊歌

鼓之聲不絕

鏡湖

方輿勝覽在越州南二里輿地志南湖在城南百許步東西二十里

南北數里縈帶郊郭連屬峰岫白水翠巘互相映發若鑑若圖王逸少云從山陰路上行如在

鑑中遊水高平疇丈許

賓雁

禮記季秋鴻雁來賓

紅粉

古詩娥娥紅粉粧

紫

垣

按初學記中書省開元初改為紫薇故曰紫垣

蒐畋

史記太公望呂尚東海人以漁

釣于周西伯西伯將獵卜曰所獲非龍非彪非虎非羆必獲霸王之輔西伯獵果遇太公於渭

之陽與語大說

遂載與俱歸

三刀

晉王濬傳濬夢懸三刀於梁上須臾又益一刀李毅

日三刀為州又益者明府共

臨益州乎果遷益州刺史

一葦

詩誰謂河廣一葦杭之

青天霧

見一卷彦輔注

玉塵

謂樂天詩即白雪意何遜雪詩若逐微風起誰云非

玉雕字

史記荀卿傳談天衍雕龍奭炙轂過髡註奭修衍之文飾若雕鏤龍文故曰雕

龍

送書

晉陸機傳機有駿犬名黃耳既羈寓京師久無家問笑語犬曰我家絕無書汝

能齋書取消息否犬搖尾作聲機乃為書以竹筒盛之繫其頸犬尋路南走遂至家得報還洛

立春日和王翰林

范曄

北斗紅雲上西城皓雪邊歲華今若此宦味故依然節輔荒冬後寒驅夾日先樓臺通帝極井落散

人煙登眺臨無際歡娛信有年客情關外地農事
 廩陰田只有傷絃促那能效屐穿幾時歸櫟社盡
 日接芳筵寶鼎昇平瑞金旛淡蕩妍透迤朱鳳集
 瀟灑白鷗眠遠業嗟何就高明賴必傳道雖沾世
 用意漫逐時遷顧遇煩頻數欣榮頗倍千江湖萬
 里興爛漫百花前

絃促

古詩絃急知杜促

屐穿

杜詩睡起搔頭急扶行幾屐穿

櫟社

莊子匠石

之齊至於曲轅見櫟社樹其大蔽牛繫之百圍匠石不顧
 傍作寶金旛歲時風土記立春之日士大夫之家剪綵為小旛謂之春旛或懸於

家人之頭或綴
於花枝之下

句

草嫩浸沙長冰輕著雨消

司空圖早春

地融春力潤花泛曉光鮮

司空圖雜題

花明催曙早雲膩惹空低

司空圖春山

乾坤一夕雨草木萬方春

李中春斤

危城三面水古木一邊春

李咸用春日

野花多異色幽鳥少凡聲

方干山居卽事

燕語曾來客花催欲別人

司空圖退居

燕靜銜泥起蜂喧抱葉回
陳郢春日山家

柳塘春水漫花塢夕陽遲
嚴維酬劉員外

冰雪鶯難至春寒花較遲
杜甫人日

晴野花侵路春波水上橋
姚合遊春

農家榆莢雨江國鯉魚風
余靖暮春

蝶寒方斂翅花冷不開心
梅堯臣春寒

冰開還舊綠魚喜躍修鱗
陳師道早春

草長團粉蝶林暖墜青蟲
林逋小圃春日

春至山疑長江空雨似無
趙師秀寄友人

併煩傳菜手同捧頌椒盤

范成大元日立春

御水初消凍宮花尙怯寒

杜牧早春閣下寓直

莫怪花開晚須憐春盡遲

韓渥閏三月

巳酉元日

陸游

夜雨解殘雪朝陽開積陰桃符呵筆寫椒酒過花
斟巷柳搖風早街泥濺馬深行宮放朝賀共識慕

堯心

桃符

荆楚歲時記元日造桃板於戶謂之仙木像鬱壘山桃樹百鬼所畏

椒酒

寔

四民月令正月之朔是為元日躬率妻孥潔祀祖禰子婦曾孫各上椒酒於家長稱觴舉壽

行宮

見一卷

正月十五夜應制

孫逖

洛城三五夜天子萬年春
綵仗移雙闕瓊筵會九
賓舞成蒼頡字燈作法
王輪不覺東方日遙垂御

藻新

十五夜

春明退朝錄上元燃燈或云以漢祠太乙自昏至晝故事梁簡文帝有列燈賦

陳後主有光壁殿遙咏山燈詩唐明皇先天中東都設燈文宗開成中以燈迎太后則是唐以前歲不
九賓 漢叔孫通傳諸侯群臣朝大行設常設
九賓 臚句傳注九賓公侯伯子男
孤卿大 按王建宮詞每遍舞時分兩向
夫上也 太平萬歲字當中即此意也 淮

南子蒼頡造書而鬼夜哭法王輪朝野僉載唐睿宗先天二年安福門外作燈輪高二

十餘丈燃燈五萬盞望之如花妙簡長安少婦千餘人於燈輪下踏歌三日翻譯名義有轉輪

王由輪旋轉應導威伏一切有四種金銀銅鐵輪領一二三四洲

正月十五夜

蘇味道

火樹銀花合星橋鐵鎖開暗塵隨馬去明月逐人

來遊妓皆穠李行歌盡落梅金吾不禁夜玉漏莫

相催

火樹

傅玄朝會賦華燈若乎火樹熾百枝之煌煌

星橋

梁簡文帝詩天門冬啟

自星橋見珍玉壘瘦肩吾為寧國公穠李詩何讓中書表坐濟星橋非假千年之翼彼穠

矣華如
桃李

落梅

樂府解題梅花落笛中曲也

金吾

兩京新記西都京城街衢

有金吾曉暝傳呼以禁夜行惟正月十五夜勅許金吾弛禁前後各一日

夜遊

沈佺期

今夕重門啟遊春得夜芳月華連晝色燈影雜星
光南陌青絲騎東隣紅粉粧管弦遙辨曲羅綺暗
聞香人擁行歌路車攢鬪舞場經過猶未已鐘鼓
出長楊

長楊

三輔黃圖長楊宮本秦舊宮至漢修飾之以備行幸宮中有垂楊數畝因為宮名

奉和聖製十五夜然燈繼以嘯宴應制

王維

上路笙歌滿春城刻漏長遊人多晝日明月讓燈
光魚鑰通翔鳳龍輿出建章九衢陳廣樂百福透
名香仙仗來金殿都人遶玉堂定應偷豔舞從此
學新妝奉引迎三事司儀列萬方願將天地壽同
以獻君王

酺

漢文帝紀註服虔曰音蒲文穎曰音步漢律
三人以上無故群飲酒罰金四兩今詔橫賜

得令會聚飲
食五日也

上路

漢枚乘傳遊曲臺臨
上路注臨道上也

刻漏

說

以銅受水刻
節晝夜百節

魚鑰

梁簡文帝詩夕門掩魚鑰丁
用晦芝田錄門鑰必以魚者

取其不瞑目 守夜之義 翔鳳 晉宮閣名 有翔鳳樓 建章 見一卷 廣樂 史記

趙世家趙簡子疾寤曰我之帝所甚樂與百神遊於鈞天廣樂九奏萬舞不類三代之樂

福 唐六典百福殿在太極宮宜秋門之右 仗 唐儀衛志凡朝會之仗五一日供奉仗二

日親仗三日勳仗四日翊仗五日設 古辭 金殿 上金

手仗皆帶刀捉仗列坐於東西廊下 殿酌 玉堂 漢宮閣名長安有玉堂殿 奉引 漢官儀大駕則公卿奉引東京賦註

王尊 奉引為 書三事暨大夫 三事 詩三事大夫 司儀 周禮司儀掌九儀之賓客

擯相 天地壽 楚辭與天地兮比壽

觀燈

王諲

暫得金吾夜通看火樹春停車傍明月走馬入紅

塵妓雜歌偏好搜玉作勝場移舞更新應須盡記取說
向不來人

庚寅元夕午門侍宴觀燈

曾棨

紫禁疏魚鑰彤庭結綺樓星河臨太液歌吹繞皇
州皓月明仙仗華燈映彩旒清華多樂事長願奉
宸遊

紫禁

謝莊宣貴妃諫收華紫禁李善註王

彤庭

見一

太液

見一卷

元夕觀燈

金幼孜

五夜開闔闔千官引珮珂御煙隨寶篆華月送清
 歌歲久君恩重時平樂事多金吾知不禁試問夜
 如何

五夜

衛宏漢舊儀晝漏盡夜漏起省中用火中黃門持五夜五夜者甲夜乙夜丙夜丁夜

戊夜

闔闔楚辭吾令帝閭開關分倚闔闔而望子註闔闔天門也寶篆

類聚

香譜近世尚奇者鏤木以爲之範香塵爲篆文準十二辰分百刻凡燃一晝一夜

如何

詩夜如何其

鼇山新結綵列炬照晴天簫鼓瑤臺上星河絳闕
 前綵粧千隊好繡簇萬花妍歡賞陪鸞馭還歌既

詩篇

鼇山

宣和遺事宣和四年令都城自臘月朔放鼇山燈至次年正月十五夜列子渤海之

中有壑焉其中有山一曰岱輿二曰員嶠三曰方壺四曰瀛洲五日蓬萊無所連著帝使巨鼇十五舉首而戴之

句

燈火家家市笙歌處處樓

白居易正月十五夜月

正月晦日侍宴滻水應制

賦得長字

宗楚客

御輦出明光乘流泛羽觴珠胎隨月減玉漏與年

長寒盡梅猶白風遲柳未黃日斜旌騎轉休氣滿
林塘

晦日

荆楚歲時記元日至月晦並為哺聚飲食
每月皆有晦朔正月初年時俗重以為節

澆水

三輔黃圖澆水出藍田谷北至霸
羽觴楚辭瑤漿蜜勺實

註羽觴作生爵
形有頭尾羽翼

珠胎

吳都賦蚌蛤珠胎與月虧
全呂氏春秋月望則蚌蛤

實月晦則蚌蛤虛

晦日澆水應制

沈佺期

素澆接宸居青門盛祓除摘蘭喧鳳野浮棗溢龍
渠苑蜨飛殊懶宮鷺轉不疎星移天仗入歌舞向

儲胥

素澹

潘岳西征賦玄灞素澹註玄素水色也

青門

三輔黃圖長安城東出南頭第

一門名霸城門民見門色青因曰青門

禳除

周禮女巫掌歲時以禳除不祥

摘蘭

韓詩外傳鄭國之俗三月上巳於溱洧兩水之上執蘭招魂拂除不祥

浮棗

後漢杜篤

禱襍賦浮棗絳水梁庾肩吾三日侍宴詩浮棗漾清漪

儲

姜浮絳棗隋江總三日侍宴詩帝於甘泉作儲胥觀以避暑

奉和晦日幸昆明池應制

宋之問

唐詩紀事中宗正月晦日幸昆明池賦詩群臣應制百餘篇帳殿前結綵樓命

上官昭容選一首為新翻御製曲從臣悉集其下須臾紙落如飛各認其名而

懷之既退惟沈宋二詩不下又移時一
 紙飛墜競取而觀乃沈詩也其評曰二
 詩工力悉敵沈詩落句云微臣彫朽質
 羞觀豫章才蓋詞氣已竭宋詩云不愁
 明月盡自有夜珠來
 猶陡健舉沈乃伏

春豫靈池會滄波
 帳殿開舟凌石鯨
 渡槎拂斗牛
 廻節晦冀全落春
 遲柳暗催象溟看
 浴景燒劫辨
 沈灰鎬飲周文樂
 汾歌漢武才不愁
 明月盡自有
 夜珠來

昆明池

漢武帝紀元狩三年穿昆明池臣瓚曰
 西南夷傳越雋昆明國有滇池方三百

里漢便求身毒國而為昆明所閉今欲伐之故
 作昆明池象之以習水戰在長安西南周廻四

十帳殿梁庾肩吾詩迴川入帳殿唐六石鯨西京

雜記昆明池刻玉石為魚每至雷雨魚常鳴

吼鬣尾皆動漢世祭之以祈雨往往有驗

牛西都賦左牽牛而右織女似雲漢之無涯斗注

漢宮闕疏昆明池有二石人牽牛織女像

落萸帝王世紀堯時有草夾階而生每月朔日

落萸生一萸至月半則生十五萸十六日後則

則餘一萸月晦而盡若月小浴景淮南子日出於

梁元帝纂要沈灰漢武故事漢武帝鑿昆明池

日光曰景極深悉是黑灰以問東方朔

朔曰可試問西域胡至明帝時西域道人法蘭

來洛陽時有憶朔言者試以問之道人云天地

大劫將盡則劫火洞鎬飲詩王在在鎬豈樂飲

燒此劫灰之餘也鎬飲酒三輔黃圖鎬池在

昆明池之北即汾歌漢武故事帝行幸河東祠

周之故都也后土顧視帝京忻然中流

與群臣燕飲乃自作秋風辭云汎樓船兮濟汾河橫中流兮揚素波

夜珠

三秦記昆明池

中有靈沼名神池云堯時治水嘗停舟於此池通白鹿原原人釣魚綸絕而去夢於武帝求去其鈎三日戲於池上見大魚銜索帝曰豈不穀昨所夢耶乃去鈎放之間三日帝復遊池上池濱得明珠一雙帝曰豈昔魚之報耶

晦日幸昆明池應制

沈佺期

法駕乘春轉神池象漢迴雙星移舊石孤月隱殘
灰戰鷁逢時去恩魚望幸來山花緹騎遶堤柳幔
城開思逸橫汾唱歡流宴鎬杯微臣彫朽質羞覩
豫章材

法駕

史記呂后紀註蔡邕曰天子有大駕小駕法駕

神池

見夜

雙星

見

牛

戰益

史記平準書是時越欲與漢用船戰遂乃大修昆明池列觀環之治樓船十餘

丈旗幟加其上甚壯子虛賦註

恩魚

見夜

緹騎

司馬彪續漢書緹騎

一百人屬執金吾

豫章

三輔黃圖上林有豫章觀西京賦註皆豫

章木為

臺館也

皇帝移晦日為中和節

王季友

王心不向晦改節號中和淑氣同風景任名別詠

歌湔裙移舊俗賜尺下新科曆象千年正酺釀四

海多花隨春令發鳥度歲陽過天地齊休慶歡聲

欲盪波

中和節

唐李泌傳泌請廢正月晦日以二月朔為中和節因賜大臣戚里尺謂之裁度

向晦

易君子以嚮晦宴息

湔裙

玉燭寶典元日至晦日為醮食士女湔裙度厄

賜

尺

唐六典中尚令二月二日進鑊牙尺紫檀尺白居易謝賜尺表紅牙為尺白銀為寸

禮記周禮其猶釀與註歛錢共飲酒也求於切

三日梨園侍宴

沈佺期

九重馳道出三巴
禊堂開畫鷁中流
動青龍上苑來
野花飄御座
河柳拂天杯
日晚迎祥處
笙鏞下帝臺

梨園

長安志梨園在光化北太極宮西則禁苑之內也

馳道

史記秦始皇紀注馳

道天子

三巳

王廙洛都賦暮春嘉禊三巳之辰

禊

風通俗按周禮女巫掌歲

時以祓除疾病禊者潔也故於水上盥潔之也巳者祉也邪疾已去祈介祉也

畫鷁

淮南

子龍舟鷁首廋信

詩開橋通畫鷁

奉和聖製與太子諸王三月三日龍池春

禊應制

王維

故事修春禊新宮展豫遊明君移鳳輦太子出龍樓賦掩陳王作杯如洛水流金人來捧劒畫鷁去迴舟苑樹浮宮闕天池照冕旒宸章在雲漢垂象

滿皇州

龍池

唐禮樂志明皇賜第隆慶坊坊南地變為池六典所居之東有舊井忽涌為小池至

景龍中為龍池焉

修禊

王羲之蘭亭序會於會稽山陰之蘭亭修禊事也

豫遊

劉孝綽詩豫遊高夏諺

龍樓

漢成帝紀帝初居桂宮嘗急召太子出龍樓門註門樓上

有銅龍也

陳王

魏志陳思王植字子建年十歲餘誦讀詩及辭賦數十萬言善屬文

洛

水金人

吳均續齊諧記東晉曰昔周公卜洛邑因流水以泛酒故逸詩云羽觴隨波又

秦昭王三日置酒於河曲有金人自泉而出捧水心劍曰令君制有西夏及霸諸侯乃因此處

立為曲水祠二

漢相沿為盛事

三月三日曲江侍宴應制

王維

萬乘清齋祭千官喜豫遊奉迎從上苑祓禊向中
流草樹連容衛山河對冕旒畫旗搖涌淑春服滿
汀洲仙籞龍媒下神臯鳳蹕留從今億萬歲天寶
紀春秋

容衛

庾信詩南宮容衛疏

淑

楚辭註淑亦浦類也

汀洲

楚辭奉汀洲今杜若

籞

漢宣帝紀注蘇林曰折竹以繩綿連禁御使不得往來故名爲籞應劭曰籞禁苑也

龍

媒

漢禮樂志天馬來今龍之媒

神臯

西京賦實惟地之奧區神臯註漢書曰自古以

雍州積高神明之奧故立時郊上帝諸神祠皆聚之廣雅曰臯局也神明之界局也長安志禁苑有神

臯亭蹕

宋禮志漢儀曰出稱警入稱蹕

三月三日勤政樓侍宴應制 王維

綵仗連宵合瓊樓拂曙通年光三月裏宮殿百花
中不數秦王日誰將洛水同酒筵嫌落絮舞袖怯
春風天保無為德人歡不戰功仍臨九衢宴更達

四門聰

勤政樓

唐讓皇帝傳先天後盡以隆慶舊邸為興慶宮天子於宮西南置樓西曰花萼

相輝之樓南曰勤政務本之樓帝時時登之程大昌雍錄西樓以宴兄弟南樓以修政事

樓

道經弱水之中上多瓊樓寶闕

秦王

見金人註

九衢

雍錄南樓下臨通衢

四

門聰

書詢于四岳闢四門明四目達四聰

奉和聖製上巳於望春亭觀禊飲應制

王維

長樂青門外宜春小苑東樓開萬戶上輦過百花
中書鷁移仙仗金貂列上公清歌邀落日妙舞向
春風渭水明秦甸黃山入漢宮君王來祓禊灞澆
亦朝宗

望春亭

程大昌雍錄南望春亭北望春亭在禁苑東南高原之上東臨澆水

長樂

三輔黃圖

長樂宮本秦興樂宮也在雍州櫟陽

縣漢高帝始居櫟陽七年長樂宮成乃徙居長

安玉海

唐亦宜春括地志秦宜春宮在雍州萬

有長樂宮

宜春

年縣宜春苑在宮之東上林

賦註師古曰宜春宮在杜縣
東卽今曲江池是其處也
金貂漢谷永傳左

貂尾爲飾董巴輿服志黃金璫附蟬爲文
貂尾爲飾唐車服志黃金璫附蟬貂尾侍左者

左珥侍右
渭水山海經註渭水出隴西首陽縣
者右珥鳥鼠同穴山經秦漢之都至潼

清而
黃山漢地理志槐里縣有黃山宮孝惠二
入河年起元和郡國志在興平縣西南三

十里
灞澇三輔黃圖灞水出藍田谷西北入渭
澇水亦出藍田谷北至霸陵入霸朝

宗書江漢朝
宗于海

上巳日洛中寄王山人迥
孟浩然

卜洛成周地浮杯上巳筵
鬪雞寒食後百家選走

馬射堂前垂柳金堤合平沙翠幙連
不知王逸少

何處會群賢

卜洛浮杯

俱見洛水註

鬪雞

玉燭寶典寒食節城市尤多鬪雞之戲

金

堤

子虛賦上乎金堤

翠幙

潘尼三日洛水詩翠幕映洛湄

群賢

蘭亭序群賢畢

至少長
成集

祓禊日遊於斗門亭

留守晉公首創一篇鏗然玉振居易若無

酬和為
洛無人

白居易

三月草萋萋黃鸝又欲啼柳橋晴有絮沙路潤無
泥禊事修初畢遊人到欲齊金鈿耀桃李絲管駭
鳧鷖轉舫迴船尾臨流簇馬蹄聞於揚子渡踏破

魏王堤妓接謝公宴詩陪江令題舟同李膺泛醴

為穆生攜水引春心蕩花牽醉眼迷塵街從鼓動

煙樹任鴉棲舞急紅腰凝去聲歌遲翠黛低夜歸何

用燭新月鳳樓西

斗門

唐會要開元十五年令將作大匠范安及檢行鄭州河口斗門先是洛陽人劉宗器

言請塞汜水舊汴河於下流塞滎陽界開渠公堰置斗門通淮汴揚子渡方輿勝覽

瓜洲渡在江都縣南四十里江濱蓋揚子江中之沙磧也接連江口民居其上唐時為鎮今有

石城三面瓜洲為渡介於江魏王堤明一統志魏王池在

洛陽縣洛水溢而為池為都城謝公晉謝安傳

之勝唐貞觀中以賜魏王泰謝公安雖放情

丘壑然每遊賞
江令
南史江總字總持篤學有文辭仕梁爲尚書僕射入

必以妓女從
陳歷官
李膺
後漢郭泰傳泰字林宗初見河南尹李膺膺大奇之遂相友善後歸

尚書令
鄉曲衣冠諸儒送至河上車數千輜林宗惟與李膺同舟而濟衆賓望之以爲神仙焉
穆

生
漢楚元王傳楚王每酒常爲穆生設醴

清明日賜百寮新火

王濯

御火傳香殿華光及侍臣
流星中使馬濯耀九衢
人轉影連金屋分輝麗
錦茵焰迎紅蘂發煙染綠
條春助律和風早添爐
暖氣新誰憐一寒女猶望
照東隣

賜火

韋慎徽咸鎬故事清明口尚食內園官小兒於殿前鬪鑽新火先進者賜絹三疋

一口尋以新火

金屋

漢武故事帝四歲長公主抱置膝上指其女阿嬌好

賜宰臣以下

寒女

戰國策江上處女有

否笑對曰若得阿嬌為婦當作金屋貯之與欲去之無燭者曰妾以無燭故當先至掃室布席何愛於餘明之照四壁者

清明宴司勳劉郎中別業

祖詠

田家復近臣行樂不違親霽日園林好清明煙火

新以文常會友唯德自成隣池照牕陰晚杯香藥

味春簷前花覆地竹外鳥窺人何必桃源裏深居

作隱淪

違親

後漢郭泰傳或問汝南范滂曰郭林宗何如人滂曰隱不違親貞不絕俗天子不得

臣諸侯不得友

隱淪

桓譚新論天下神人五
一曰神仙二曰隱淪

吾不知其他

春盡日天津橋醉吟偶呈李尹侍郎

白居易

宿雨洗天津無泥未有塵
初晴迎早夏落照送殘春
春興發詩隨口狂來醉寄身
水邊行嵬峩橋上立
逡巡疏傅心情老吳公
政化新三川徒有主風景
屬閑人

天津橋

元和郡縣志天津橋在河南縣北四里
隋大業元年初造用六船維舟以鐵鑠

鈞連南北夾路對起四樓其樓安為日月表勝疏

之象貞觀十四年更令石工累方石為脚

傳漢疏廣傳廣為太子太傅兄子受為少傅在

位五歲廣謂受曰吾聞知足不辱知止不殆

今仕至二千石宦成名立如此不歸吳公史記

懼有後悔即日父子上疏乞骸骨吳公賈誼

傳孝文皇帝初河南守三川漢高帝紀註韋昭

吳公治平為天下第一三川曰有河洛伊故曰

川三

句

薄衣臨積水吹面受和風

杜甫上巳日徐錄事園林

微微潑火雨草草踏青人

唐彥謙上巳

弱柳障行騎浮橋擁看人

崔顥上巳

富貴唐天寶風流晉永和
楊基上巳

榆柳芳辰火梧桐今日花
楊巨源清明日

暮色汀洲遍春情楊柳多
釋皎然清明日遊

晚風楊柳社寒食杏花村
溫庭筠與友人別



必懸淋坑致食各亦林
臨到於與丈人眼

春台石地歐春淋淋多
戰戰一雨即日發

淋淋裝氣火淋淋今日淋
淋耳下淋淋日

富貴智天寶風氣管永味
淋淋上

近光集卷三 五言律

長洲汪士鋐 文升編纂

山陰何師儉 桐叔叅注

時令下

夏首猶清和

謝靈運遊赤石進帆
海詩首夏猶清和

張聿

一作黎逢

早夏宜初景和光起禁城祝融將御節炎帝啟朱

明日送殘花晚風過御苑清郊原浮麥氣池沼發

荷英樹影臨山動禽飛入漢輕幸逢堯禹化全勝

谷中情

祝融炎帝

禮記孟夏其帝炎帝其神祝融

夏日仙萼亭應制

宋之問

高嶺逼星河乘輿此日過
野含時雨潤山雜夏雲
多睿藻光巖穴宸襟洽
薜蘿悠然小天下歸路滿
笙歌

乘輿

蔡邕獨斷天子至尊不敢溲瀆言之故托於乘輿也

薜蘿

楚辭被薜荔兮帶女

蘿

端午宴群臣武成殿

唐明皇

端午臨中夏時清日復長
鹽梅已佐鼎麩蘖且傳

觴事古人畱迹年深縷續長當軒知槿茂向水覺
蘆香億兆同歸壽群公共保昌忠貞如不替貽厥
後昆芳

端午

周處風土記仲夏端午烹鶩角黍注端始也

武成殿

舊書地理志東都正

殿曰明堂明堂之西有武成殿即正衙聽政之所也

鹽梅麩

書若作酒醴爾惟麩

葉若作和羹惟鹽梅

續縷

風俗通五月五日以五色絲繫臂辟兵及鬼令人不病一

名長命縷一名辟兵縷一名續命縷

端午三殿侍宴應制

張說

小暑夏絃應徽音商管初願齊長命縷來續大恩

餘三殿襄珠箔群官上玉除助陽嘗黍彘順節進
龜魚甘露垂天酒芝花捧御書含丹同蠓蜒灰骨
共蟾蜍今日傷蛇意銜珠遂闕如

三殿

雍錄三殿者麟德殿也一殿而
有三面故曰三殿亦曰三院

珠箔

三秦
記明

光宮皆金玉
珠璣為簾箔

玉除

曹植詩凝
霜依玉除

黍彘

按月令孟冬
季冬俱云食

黍與彘鄭註亦無助陽之說又按仲夏之
月天子乃以雛嘗黍無彘此未知何所本

龜魚

風俗通先節一日煮肥龜令極熟去骨加鹽豉
蔬蓼名曰菹龜節日餽之龜甲表肉裏陽外陰

內之

天酒

神異經西北海外有人長二千里兩
脚相去千里腹圍千餘里但日飲天

酒五斗張華註
天酒甘露也

芝花

楚辭嚙芝
花兮療饑

蠓蜒

爾雅蝻蝻
蜥蜴蜥蜴

蝮蛇蝮蛇守宮註四名轉相解別也博物志取
蝮蛇以器養之食以硃砂體盡赤擣萬杵以點
女人肢體終身不滅若蟾蜍抱朴子五日採蟾
與男合則滅故曰守宮蟾蜍頭上有八字者
日中時取之陰乾一日以其足
畫地卽爲流水帶之左臂辟惡
見大蛇傷斷以藥傅而塗之
後蛇於夜中銜大珠以報之

端午日賜衣

杜甫

宮衣亦有名端午被恩榮
細葛含風軟香羅疊雪
輕自天題處濕當暑著來清
意內稱長短終身荷
聖情

和李吏部伏日呈元庶子路中丞

包佶

火炎逢六月金伏過三庚幾度衣裳澣誰家枕簟

清頰冰無下位裁扇有高名吏部還開甕勤勤二

客卿

金伏

藝文類聚曆忌釋曰伏者金氣伏藏之日也

三庚

初學記按陰陽書曰從夏

至後第三庚為初伏第四庚為中伏立秋後初庚為終伏謂之三伏

頰冰

周禮凌人頰冰

掌事大戴禮頰冰者分冰以投大夫也陸翽鄴中記石季龍於冰井臺藏冰三伏之日以冰賜

大裁扇

班婕妤好詩裁為合歡扇團團似明月

開甕

晉畢卓傳為吏部郎嘗飲酒廢

職比舍郎釀熟卓因醉夜至其甕間盜飲之

太尉相公中伏日池亭宴會得山字

梅聖俞

何言避暑清宴水軒閑竹氣陰池鳳雲峯照
山玳簪方映座綵服亦承顏樂奏寒波上杯香綠
芰間瓜浮五色爛簾捲半鉤彎今日質裾盛袁劉
豈足攀

徂暑

詩六月徂暑

玳簪

史記春申君傳趙使欲誇楚為璆瑁簪刀劍室以珠玉飾

之綵服

高士傳老萊子年七十衣五綵之衣為嬰兒戲匍匐於父母之前

五色

瓜

阮籍詩昔聞東陵瓜近在青門外五色曜朝日嘉賓四面會魏文帝與吳質書浮甘瓜於

清泉沉朱
李於寒水
袁劉典略光祿大夫劉松北鎮袁紹

伏之際晝夜飲酒以避一
時之暑故河朔有避暑飲

詠夏冰

高啟

寒收凝凍井晚薦納涼宮抱潔存天質銷炎奪化
工氣蒸金盃潤色映玉盤空弱藻含猶在織塵隔
未通非山寧可倚是水復當融照夜何須月驚秋
詎待風製屏應不隱作佩定難攻容貌清誰並仙
肌瑩自同宜涵筠簟素愁對桂爐紅願解行人暍
分貽道路中

凝凍井

晉庾倓冰井賦抱堅精之玄素發川靈而長凝

金盃

杜甫詩柘漿歸厨金

盃

玉盤

拾遺記董偃以玉精盤貯冰於前

山

唐楊國忠傳張彖曰人倚國忠為泰

山吾獨以

簟

說文簟竹席也

喝

說文喝傷暑也

句

記得謝家詩清和即此時

劉禹錫賦得首夏猶清和聯句

竹深畱客處荷淨納涼時

杜甫丈八溝納涼

水榭風來遠松廊雨過初

白居易仲夏齋居

萍破風來後荷喧雨到時

温庭筠盧氏池上遇雨

月生林欲曉雨過夜如秋

徐致中夏日

涼夜如清水明河似白雲

徐致中夏夜

立秋日

司空圖

律變新秋至蕭條自此初花酣蓮報謝葉在柳呈
疎澹日非雲映清風似雨餘捲簾涼暗度迎扇暑
先除草盡多翻鷺波澄乍露魚今朝散騎省作賦
興何如

散騎省

潘岳秋興賦序余以太尉掾兼
虎賁中郎將寓直於散騎之省

立秋日書事三首

周伯琦

大駕留西內茲辰祀典揚龍衣遵質樸馬酒薦馨

香望祭園林邈追崇廟祏光艱難思創業萬葉祚

無疆元注國朝歲以七月七日或九日天子與后素服望祭北方陵園奠馬酒犛事者皆世臣

子弟是日

擇日南行

鐵剌標山影金鋪耀日華龍廻秋歇雨燕落晝翻

沙苑御調驍騎宮官葺憶車長楊誰共賦滿耳沸

寒筇元注上京西山樹鐵幡竿高數十丈以其下海中有龍用梵家說作此鎮之

金鋪甘泉賦排玉戶而矚憶車說文憶車幔也南史鮑泉傳為

通直侍郎乘高憶車從數十長楊揚雄有長楊賦

涼亭千里內相望列東西秋獮聲容備時巡典禮

稽鵠鳧隨矢落猥鹿應弦迷乾豆歸時薦康莊頌

耄倪

元注上京之東五十里有東涼亭西百五十里有西涼亭其地皆饒水草有禽魚山獸置

離宮巡狩至此

歲必較獵焉

秋獮

左傳春蒐夏苗秋獮冬狩皆於農隙以講事也

乾豆

禮記天子諸侯無事則歲

三田一為乾豆二為賓客三為克君之庖

康莊

爾雅五達謂之康六達謂之莊

句

大江秋易盛空峽夜多聞

杜甫秋野

人情皆向菊風意欲摧蘭

劉禹錫秋日暑退

一封書未返千樹葉皆飛

于武陵客中

晚花開爲雨殘果落因風

雍陶秋秋園

萬影皆因月千聲各爲秋

劉方平泛舟

微陽下喬木遠色隱秋山

馬戴落日

天形圍澤國秋色露人家

江爲送客

西風酒旗市細雨菊花天

歐陽修秋懷

山轉秋光曲川長暝色橫

陳師道秋懷

奉和七夕兩儀殿會宴應制

李嶠

靈匹三秋會仙期七夕過槎來人泛海橋渡鵲填
河帝縷升銀閣天機罷玉梭誰言七襄詠重入五

弦歌

兩儀殿

唐六典兩儀殿在太極殿之後常日聽政視朝之所

靈匹

謝惠連咏牛女

詩雲漢有靈匹彌年闕相從

仙期

續齊諧記桂陽城武丁有仙道忽謂其弟曰七月七日織女當渡河吾向已被召弟問織女何事渡河曰暫詣牽牛世人至今謂織女嫁牽牛也

泛海

博物志舊說天河與海通近有居海者年年八月有浮槎來甚大往返不失期此人

乃多資糧乘槎去忽忽不覺晝夜奄至一處有城郭居舍望室中見一女方織見一丈夫牽牛

渚次飲之人問為何處答曰君可詣蜀問嚴君平此人還問君平君平曰某年某月有客星犯

牽牛即此人到天河也

填河

見一卷度橋人註

七襄

詩跋彼織女終日七襄

五弦

見一卷薰風注

七夕兩儀殿應制

蘇頌

靈媛乘秋發仙裝警夜催月光窺欲渡河色辨應
來機石天文寫針樓御賞開竊觀棲鳥至疑向鵲

橋廻

機石

荆楚歲時記漢武帝令張騫使大夏尋河

源乘槎數月而至一處見城郭如州府室

內有一女織又見一丈夫牽牛飲

針樓

西京雜記漢綵

女嘗以七月七日穿針於開襟樓天寶遺事七

夕宮中以錦繡結成樓妃嬪各執七孔針五色

線向月穿之

過者為得巧

七夕兩儀殿應制

趙彥昭

青女三秋節黃姑七日期星橋度玉珮雲閣掩羅
帷河氣通仙掖天文入睿詞今宵望靈漢應得見
蛾眉

青女

見一卷
青腰注

黃姑

古詩黃姑織女時相見爾雅
河鼓謂之牽牛荆楚歲時記

河鼓黃姑牽牛
也皆語之轉

星橋

見二卷

七夕

宋之問

傳道仙星媛年年會水隅停梭借蟋蟀畱巧付蜘蛛
去晝從雲請歸輪竚月輪莫言相見濶天上日
應殊

蜘蛛

荆楚歲時記七夕婦人結綵樓穿七孔針陳瓜果於庭中以乞巧有喜子網於瓜上

則以為得巧

七夕

祖詠

閨女求天女更闌意未闌
玉庭開粉席羅袖捧金盤
向月穿針易臨風整線難
不知誰得巧明旦試看看

天女

史記天官書織女天女孫也

穿針

見前針樓注

金盤

開元遺事開元

中帝與妃子每至七夕夜在華清宮宴時宮女各以蜘蛛內之小金盒中至曉開視蛛絲之稀密以為得巧之多少民間效之

七夕

李賀

別浦今朝暗羅幃
午夜愁鵲辭穿線
月花入曝衣樓
天上分金鏡
人間望玉鈎
錢塘蘇小小
更值一年秋

曝衣

崔寔四民月令七月七日曝經書及衣裳

鏡鈎

見一卷

蘇小小

樂府

解題蘇小小錢塘名娼也南齊時人

八月十五夜玩月

劉禹錫

天將今夜月一遍洗寰瀛
暑退九霄淨秋澄萬景清
星辰讓光彩風露發晶英
能變人間世儵然是

玉京

人間世

莊子有人問世篇

玉京

見一卷

八月十五夜月

僧棲白

尋常三五夜豈是不嬋娟及至中秋半還勝別景
圓清光凝有露皓色爽無煙自古人皆望年來復

一年

嬋娟

阮籍詩秋月復嬋娟

十六夜翫月

杜甫

舊挹金波爽皆傳玉露秋關山隨地濶河漢近人

流谷口樵歸唱孤城笛起愁
巴童渾不寢半夜有
行舟

金波

見一卷

十七夜對月

杜甫

秋月仍圓夜江村獨老身
卷簾還照客倚杖更隨
人光射潛虬動明翻宿鳥
頻茅齋依橘柚清切露
華新

八月十四夜月

范仲淹

光華豈不盛賞宴尚遲遲
天意將圓夜人心待滿

時已知千里共猶訝一分虧來夕如澄霽清風不
負期

八月十五日夜陪畱守宣徽登西樓值雨
待月久不見
司馬光

經歲待佳節無如陰靄何果然時雨足安用月華
多未免銀缸進空聞玉漏過庾公興不淺久爲駐
鳴珂

銀缸

梁元帝詩銀缸隱梳頭

庾公

世說庾亮鎮武昌諸佐使殷浩之徒乘月登南

樓俄而不覺亮至將趨避之亮曰諸君且住
老子於此興不淺便據胡床與浩等談詠
珂

見一卷一

中秋陪熙用學士禁中翫月 吳融

月圓年十二秋半每多陰此夕無纖露同君宿禁
林未高知海澗當午見宮深衣似繁霜透身疑積
水沈遭逢陪侍輦歸去憶抽簪太液池南岸相期
到曉吟

抽簪

張載詩抽簪解朝衣鍾會遺榮賦散髮抽簪永謝一丘

太液池

見一卷一

奉和中書崔舍人八月十五日夜翫月二

十韻

劉禹錫

暮景中秋爽陰靈既望圓浮精離碧海分照接虞
淵迥見孤輪出高從倚蓋旋二儀含皎澈萬象共
澄鮮整御當西陸舒光麗上玄從星變風雨順日
助陶甄遠近同時望晶瑩此夜偏運行調玉燭潔
白應金天曲沼疑瑤鏡通衢若象筵逢人盡冰雪
遇景卽神仙引素吞銀漢凝清洗綠煙臯禽警露
下鄰杵思風前水是還珠浦山成種玉田劍沉三
尺影燈罷九枝然象外形無跡寰中影自遷稍當
雲闕正來映斗城懸靜對揮宸翰閑臨襞彩牋境

同牛渚上宿在鳳池邊興掩尋安道詞勝命仲宣

從今紙貴後不復詠陳篇

陰靈

謝莊月賦月以陰靈註春秋感精符曰月者陰之精

虞淵

淮南子曰薄於虞淵

是謂黃百

倚蓋

晉天文志天圓如倚蓋

整御

淮南子月御曰望舒亦曰緇阿

西

陸

漢天文志月立秋秋分行西方白道曰西陸

從星

書月之從星則以風雨

玉

燭

爾雅四時和謂之玉燭註道光照也

金天

呂氏春秋孟秋之月其帝少皞高誘註少

皞以金德王天下號為金天

冰雪

見一卷姑射註

還珠

浦

博物志孟嘗為合浦太守郡境舊採珠以易米石先時二千石貪穢使民採珠積以自入

珠忽失去合浦無珠餓死者盈路

孟嘗行化一年之間去珠復還

種玉田

搜神記羊

公雍伯洛陽人性篤孝父母終葬無終山遂居焉三年有一人就飲飲訖出石子一升與之曰種此可得好玉且得好婦後種種其石數歲玉子生有徐氏女甚有名公至所種石中得白璧五雙以贄徐氏遂以女妻之天子異之遂名其地曰玉田三尺劍史記高祖紀吾以布

衣提三尺劍取天下九枝燈王筠燈檠詩斗城見一卷牛渚

晉袁宏傳謝尚鎮牛渚秋夜乘月率爾與左右微服泛江會宏在舫中尚即迎升舟與之談論

申旦鳳池見一卷安道語林王子猷居山陰大雪忽憶戴安道時戴在剡即

便夜乘小船就之經宿方至既造門不前而返人問其故對曰吾本乘興而行興盡而返何必

見仲宣謝莊月賦抽毫紙貴晉左思傳左思欲賦三都遂構思十

年及賦成豪貴之家競相傳寫洛陽為之紙貴

句

一年逢好夜萬里見明時

張祐中秋翫月

中分九秋夜占斷百宵明

晏殊中秋月

莫辭終夕看動是隔年期

晏殊中秋月

奉和九日臨渭亭侍宴應制

得濃字

李义

唐詩紀事景龍二年臨渭亭登高宴韋安石蘇瓌詩先成于經野盧懷慎後成罰酒

望寺紆千乘登高自九重臺疑臨戲馬殿似接疏
龍捧篋萸香遍稱觴菊氣濃更看仙鶴舞來此慶

時雍

戲馬

謝瞻謝靈運有九日從宋公戲馬臺集送孔令詩季善註齊書曰宋武帝為宋公在

彭城九日出項羽戲馬臺至今相承以為舊準

疏龍

西京賦疏龍首以抗殿潘岳關中記

亦央宮殿皆疏

萸菊

續齊諧記汝南桓景隨費長房遊學累年長房謂之

曰九月九日汝家當有災厄急宜去令家人各

作絳囊盛茱萸以繫臂登高飲菊酒此禍可消

景如言舉家登山夕還家見雞犬牛羊一時暴

死今世人每至九日登山飲菊酒婦人帶茱萸

囊定

九日臨渭亭應制

得長字

沈佺期

御氣幸金方憑高薦羽觴魏文頒菊蕊漢武賜萸

囊秋變銅池色晴添銀樹光

一作去鶴畱笙吹歸鴻識舞行

年年

重九慶日月奉天長

羽觴

見二卷

魏文

魏文帝與鍾繇書九月九日律中無射言群木庶草無有射地

而生至於芳菊紛然獨榮非夫含乾坤之淳和本芬芳之淑氣孰能如此輔體延年莫斯之貴

諫奉一束以術助彭祖之術

銅池

漢宣帝紀注銅池承雷也以銅為之

奉和九日臨渭亭登高應制

得歡字

李嶠

令節三秋晚重陽九日歡仙杯還泛菊寶饌且調
蘭御氣雲霄近乘高宇宙寬今朝萬壽引宜向曲

中彈

調蘭

曹植七啟注禮斗威儀曰君乘金而王其政平則蘭常生鄭康成曰王給調和也

九日侍宴應制

崔輔國

運駕千年聖時傳九日神堯樽列鐘鼓漢闕闕鈞

陳金籙三清降瓊筵五老巡始驚蘭珮出復詠栢

梁新雲雁樓前晚霜花酒裏春懽娛無限極書劍

太平人

鈞陳

見一卷

三清

靈寶本元經人天外曰三清境玉清太清上清亦名三天太真

經三清之間各有正位聖登玉清真登上清仙登太清

五老

竹書紀年堯率舜升首山

遵河渚有五老遊焉蓋五星之精也

蘭珮

楚辭紉秋蘭以為珮

栢梁

漢武帝紀元鼎

二年春起栢梁臺三輔黃圖在長安城中北帝嘗置酒其上詔群臣賦詩

奉和聖製重陽節宰臣及群臣上壽應制

王維

四海方無事三秋大有年百生逢此日萬壽願齊

天芍藥和金鼎茱萸插玳筵玉堂開右个天樂動

宮懸御柳疎秋景城鴉拂曙煙無窮菊花節長奉

栢梁篇

大有年

穀梁傳五穀皆熟書大有年

芍藥

相如子虛賦芍藥之和具而後御之

文穎曰五味之和也

金鼎

鮑昭詩金鼎玉七合神丹

玳筵

劉楨瓜賦熏玳瑁之筵

玉堂

見二卷

右个

禮記天子居青陽右个註明堂旁舍也左傳註个東西廂也

宮懸

周禮小胥正縣樂之位王宮縣諸侯軒縣卿大夫判縣士大夫特縣註縣樂謂縣於

筓簾者宮縣四

而象宮室也

句

降霜青女月送酒白衣人

杜審言九日

山河來遠思菊意在重陽

靈澈九日和于使君

醉看風落帽舞笑月留人

李白九日龍山飲

律中應鍾

裴元

律窮方數寸室暗在三重伶管灰先動秦正節已

逢商聲辭玉笛羽調入金鍾密葉翻霜彩輕冰飲
水容望鴻南去絕迎氣北來濃願托無凋性寒林

白比松

律中應鍾

禮記孟冬之月律中應鍾

三重

後漢律曆志候氣之法為室三重閉

戶塗釁必周密布緹縵室中以木為案每律各
一內庫外高從其方位加律其上以葭葶灰抑
其內端案曆而候
伶管呂氏春秋黃帝命伶倫取竹之嶰谷以生空窾

之氣至者灰去
厚均者斷兩節間長三寸九分而吹
之以為十二簫聽鳳鳴以別十二律
秦滅六國自以為獲
商聲羽調禮記秋其音商冬其音羽

日南長至

獨孤鉉

玉曆頒新律凝陰發一陽輪輝猶惜短圭影此偏
長晷度經南斗流星盡北堂乍疑同戶耀可愛逗
林光積雪銷微煦初萌動早芒更昇臺上望雲物
已昭彰

日南長至

漢律歷志傳不曰冬至而曰日南至極於牽牛之初日中之時景最長以

此知其

一陽

史記律書日冬至則一陰下藏一陽上舒

圭影

周禮大司徒以

土圭之法測土深

南斗

禮記季冬在南斗

沆星

爾雅奔星為昴

約注

雲物

左傳僖公五年春王正月辛亥朔日南至公既視朔遂登觀臺以望而書

禮也凡分至啟閉必書雲物為備故也

南至日隔霜仗望含元殿 郭遵

冕旒初負展卉服盡朝天賜谷移初日金爐出御

炳芳香流遠近散漫入貂蟬霜仗凝道白朱欄映

轉鮮如看浮闕在稍見逐風遷為沐皇家慶來瞻

羽衛前

含元殿 唐六典丹鳳門內正殿曰含元殿注元正冬至於此聽朝 負展 見一卷斧

座 卉服 書島夷卉服 賜谷 書宅嵎夷曰賜谷 貂蟬 見二卷金貂注

長至日上公獻壽 張叔良

鳳闕晴鍾度雞人曉漏長九重初啟鑰三事盡稱

觴日至龍顏近天旋聖曆昌休光連雪淨瑞氣雜
爐香化被君臣洽恩沾士庶康不因稽舊典誰得

記朝章

上公獻壽

唐禮樂志冬至日受群臣朝賀皇帝
即御座典儀曰再拜皆拜上公一人

詣西階席脫舄解劍北面跪賀又尚食設壽尊
於殿上群官就位光祿卿請賜群臣上壽上公
詣酒尊所北鳳闕史記封禪書建章宮其
東則鳳闕高二十丈雞人

周禮雞人夜嘑旦以踞百官漢官儀宮人
不得畜雞衛士候於朱雀門外傳雞唱九重

禁詞君之見二龍顏史記高祖紀高祖
門兮九重卷

省試臘後望春宮

林寬

皇都初度臘鳳輦出深宮高凭樓臺上遙瞻灞澹
中仗凝霜彩白袍映日華紅柳眼方開凍鶯聲漸
轉風御溝穿斷靄驪岫照斜空晴見宸遊興因觀
稼穡切

臘史記秦本紀惠文君十二年初臘秦始皇紀
三十一年十二月更名臘曰嘉平風俗通臘

者獵也獵取唐地理志京兆萬年
縣有望春宮臨澹水望春宮灞澹

目二二卷
先驪岫見二卷
温湯注

應詔賦得除夜

王譔

今歲今宵盡明年明日催寒隨一夜去春逐五更

來氣色空中改容顏暗裏回風光人不覺已著後

圍梅

閏月定四時

羅讓

月閏隨寒暑疇人定職司餘分將考日積算自成
時律候行宜表陰陽運不欺氣薰灰琯驗數劫卦
辭推六曆文明序三年理暗移當知歲功立唯是
奉無私

閏月

晝以閏月定四時成歲

疇人

程大昌演繁露古人字多假借疇人者籌人也

以算數名之

餘分

後漢律歷志為一歲之月以除一歲日為一月之數月之餘分積滿

其法得一月月成則其歲月大四時推移故置十二中以定月位有朔而無中者以為閏月

律候見三數劫易歸奇於六曆漢律歷志劉向

作五紀論後漢律歷志曆法黃帝歲功後漢志

顓頊夏殷周魯凡六家各自有元歲功律歷以

立閏定時奉無私禮記奉三無私以勞天下天

成歲功奉無私無私覆地無私載日月無私

照

閏月定四時

徐至

積數歸餘閏義和職舊司分銖標斗建盈縮正人

時節候潛相應星辰自合期寸陰寧越度長曆信

無欺定向銅壺辨還從玉律推高明終不謬委鑑

本無私

分銖

漢律歷志以子穀秬黍中者一黍之廣度之九十分黃鍾之長一為一分十分為寸

寸為尺十尺為丈十丈為引黃鍾之重一龠

容千二百黍重十二銖二十四銖為兩十六兩

為斤三十斤為

鈞四鈞為石

盈縮玉海僧一行曆議當以二

而密於加時又日行而多五日九百四十分日

之二百三十五者為氣盈月行而少五日九百

四十分日之二百九十二者為

朔虛合氣盈朔虛而閏生焉

長曆晉杜預傳

籍作盟會圖春秋長

曆備成一家之學

銅壺初學記張衡漏水轉

器實以清水下各開孔以玉虬

吐漏水入兩壺右為夜左為晝

句

送寒餘雪盡迎歲早梅新

唐太宗賜宴守歲

雪向寅前凍花從子後春

韋莊歲除夜

臘從今日盡花作舊年春

梅堯臣除夜雪

高松殘子落深井凍痕生

無可冬夕

寒樹鳥初動霜橋人未行

劉禹錫途中旦發

草應知地暖柳欲向人輕

張耒臘日晚步

近光集卷四 五言律

長洲汪士鋐 文升編纂

山陰胡振維 汝舟叅注

地理上

大都卽事六首

張憲

平章橋上日光祿寺前春楊柳綠垂地桃花紅照
人粉香迷醉袖草色妬行輪屠狗悲歌者空埋泉
下塵

大都

元混一方輿勝覽世祖幸燕中書省奏聞
闕庭所在加號上都燕京修營宮室分立

省部四方會同乞亦正名准奏可稱中都路府
 號大興至元九年改號大都置總管府領大興
 府一通薊海霸雄易保遂安
 蕭檀順州十一後立順天路
 屠狗史記刺客傳
 愛燕之狗屠及善擊筑者高漸離代於燕市高
 漸離擊筑荆軻和而歌於市中相樂也已而相
 泣

三月西山道春風平則門繡鞍紅叱撥羶帽黑崑

崑衣襪分香裹壺餅借火温醉歸楊柳月綠霧掩

黃昏

西山

紀纂淵海西山在府西三十里為太行山
 之首張鳴鳳西遷註西山內接太行外屬

諸邊磅礪數千里林麓蒼黝溪澗鏤
 錯其中物產甚饒古稱神臯隩區
 平則門元

一方輿勝覽都城之門凡十有一正南曰麗正
右曰順承左曰文明北之東曰安貞西曰建德
正東曰崇仁右曰齊化左曰光熙
正西曰和義右曰肅清左曰平則
寶中大宛進汗血馬
六匹一日紅叱撥

小海春如畫斜街曉賣花連錢遊子騎斑竹美人

家襖色搖紅段鞞香鬪蠟茶額黃斜入鬢側髻半

翻鴉

小海

明一統志南海子在京城南二十里乃養禽獸種植蔬果之所中有海子大小凡三

其水四時不竭汪洋若海

連錢

梁元帝詩長安美少年金絡飾連錢

鞞

張衡思立賦註

鞞所以帶珮也

額黃

梁簡文帝詩同安鬟裏撥異作額間黃

翻鴉

古詩雙鬢鴉雛

色

楊柳暮鴉啼鐘樓日又西小車隨客散歸馬望塵
嘶碧瓦差宮樹金波溢御隄時平足行樂誰問醉
如泥

碧瓦 見一卷 金波 見一卷 醉如泥 後漢周澤傳一歲三百六十日三百

五十九日齋注漢官儀此下云一日不齋醉如泥

紅雪點綿袍青樓酒價高朱絲紅杪耀玉斗紫葡萄
春餞行綾卷秋醃割佩刀簾鉤風不定觸損鶉翎毛

青樓

曹植詩青樓臨大道

紅杪

按韻會杪樞木似桄榔出麵杪桑柯切樞郎何

切集韻作

玉斗

史記項羽紀玉斗一雙再拜奉大將軍足下

紫葡萄

郎佐切

史記大宛傳宛左右以葡萄為餡

六書今人以薄餅卷肉切

而薦之

曰餡

千步廊前月朦朧照御街風簷鳴寶鐸雷板耀金

牌城影平鋪地樓陰半上街誰家吹短調一夜亂

春懷

千步廊

蕭旬故宮遺錄南麗正門內曰千步廊可七百步建靈星門門建蕭牆周圍可

二十里俗呼

寶鐸

開元遺事宮中簷間懸碎玉片風搖如環珮聲名占風鐸

紅門闌馬墻

次袁學士上都詩韻

趙孟頫

曉日夾雲樹春風吹雪山飛鷹玄兔磧飲馬白狼灣寶帶吳鉤迥金矛漢節閑將軍萬里外不怕二

毛斑

上都

元地理志上都路唐為奚契丹地金平契丹置恒州中統元年為開平府五年以闕

庭所在加號上都歲一幸焉元混一方輿勝覽上都去大都八百里雪山後漢班超傳注

西域有白山通歲有雪亦名雪山玄兔磧後漢郡國志玄兔郡武帝置吳志吳主傳

注玄菟郡在遼東北相去二百里白狼灣漢地理志右北平郡有白狼縣師古曰有

白狼山故以名縣明一統志良山在吳鉤左思懷安衛城西一十五里舊名狼山吳都

賦吳鉤越棘越絕書闔廬既重莫邪乃命國中
 作金鉤有人貪王賞之重殺其兩兒以血釁鉤
 遂成二鉤漢節漢蘇武傳仗漢節牧羊萬里班超
 獻之闔廬羊留匈奴凡十九歲萬里詣相
 者曰當封侯萬里之外後封定遠侯超自以久
 在絕域年老思土上疏乞歸超妹昭亦上書曰
 妾同產兄超年且七十衰老被病頭髮無黑故
 敢為超求哀旬超餘年一得生還見後漢書

二毛左傳不禽二毛注
 頭白有二色也

上京雜詠十首

袁桷

雲護中街日風開北戶天千溝凝白雪萬竈起青
 煙午溽曾持扇朝寒卻衣綿松林空有界剪伐不
 知年

北戶 吳都賦開北戶以向日

土屋層層綠沙坡簇簇黃馬鳴知電急雁過識天
涼墨菊清秋色金蓮細雨香內園近閨苑千樹壓

群芳

金蓮 明一統志金蓮川在雲州堡東北一百里產黃花狀若芙蓉而小俗呼金蓮川以此

花得名

天闕虛無裏城低納遠山白榆迷雁塞青草補龍
灣市簇家家近官清日日閑重遊深問俗漸恨鬢

毛斑

雁塞

史記項羽紀蒙恬開榆中地數千里註蒙恬樹榆為塞趙世家趙武靈王築長城自

代傍陰山下至高闕為塞而置雲中雁門代郡

龍灣

明一統志龍灣河在永寧縣西北二

十里源自縉陽山下西流入桑乾河

舊歲寒冬惡霏霏土雨迷門荒懸馬革草淨絕牛
蹠列帳煙光慘空營月色低縣官捐粟帛歲晚得

扶攜

縣官

漢東平王宇傳今暑熱縣官年少註謂不敢指斥成帝故謂之縣官霍光子禹傳縣

官非我家將軍不能至是註謂天子

上國饒為客天涼眼倍青白魚沙際網黃鼠草間

翎芍藥圍紅斗摩姑綴玉釘漸知塵骨換振佩接

青冥

黃鼠

劉績霏雪錄北方黃鼠穴處各有匹配天氣晴和時出坐穴口見人則拱前腋如揖

狀韓孟聯句所謂禮鼠拱而立者也味極肥美

天錫清凉國晴霞綻雪峯月低疑墮兔雲近得攀

龍寶劍頒冰徹筠籠賜果封白頭貂帽客為我話

深冬

清凉國

陸龜蒙詩溪山自是清凉國

月兔

見一卷顧兔注攀龍揚子法言

攀龍鱗

筠籠

杜甫詩西蜀櫻桃也自附鳳翼紅野人相贈滿筠籠

駝鼓邛邛應傳更趣進程草肥涼露白樹薄曉風
清帳殿橫金屋氊房簇錦城屬車流水度細點侍
臣名

駝鼓

元儀衛志駝鼓設金裝杖具花鬪鞍褥橐
篋上施一面有底銅擱小鼓一人乘之凡

行幸先鳴鼓於
駝以威振遠邇

帳殿

見二卷

氊房

唐吐蕃傳貴人
處於大氊帳名

曰拂廬

屬車

西京賦註副車曰屬言相連也後
漢馬后傳車如流水馬如游龍

伏日瓊林宴名王總內朝帽尖花壓翠衣角錦圍
貂炙熟牛酥苺醅深馬乳澆柘枝旋舞急宛轉稱

纖腰

瓊林

金宮名見禁扁

名王

漢宣帝紀註名王者謂有大名以別諸小王

馬乳

漢禮樂志師學七十二人給大官桐馬

酒注李奇曰以馬乳為酒撞桐乃成也

柘枝

樂府

雜錄

健舞曲有柘枝輓舞曲有屈柘枝樂苑羽調有柘枝曲商調有屈柘枝此舞皆因曲為名

市狹難馳馬泥深易沒車凍蠅爭日聚新燕掠風

斜晚汲喧沙井晨炊斷木槎閭閻通茗芋山簡未

全奢

長夏崇真館疎簾灑靜便支頤推萬古止息契重

玄月窟窗如雪天瓢酒似泉主人憐老客下榻不

會懸

崇真館

明一統志金閣山在雲州堡西

重玄

老子

玄之又玄

月窟

長揚賦西歷月窟

懸榻

後漢陳蕃傳為樂安

太守郡人周璆高潔之士前後郡守招命莫肯至惟蕃能致焉特為設一榻去則懸之

再次韻十首

袁桷

帝京環陸海平野接冰天龍吐青林火狼沈紫塞
煙風花秋黯澹雲葉雨連綿昔日君臣意深符卜

洛年

陸海

漢東方朔傳汧隴以東商雒以西天下陸海之地

龍火

即火炬也唐太宗詩

火龍明鳥道

狼煙

西陽雜俎狼糞烟直土烽火用之

紫塞

崔豹古今

注秦築長城土皆紫色
漢塞亦然故稱紫塞

寶閣凌空涌金壺映日黃梵音通朔漠法曲廣伊

涼御榻惟經帙宮爐獨篆香吾皇清淨德銀管願

垂芳

梵音

法華經梵音海潮音勝彼世間音

法曲

唐禮樂志初隋有法曲其音清而近

雅煬帝厭其聲澹

曲終復加解音

伊涼

樂苑涼州宮調曲伊州商調曲

篆香

見二

卷寶

篆注

高下雲中樹疎明雪外山坡凹茅結屋嶺轉水回
灣禁路分馳道沙場當內閑通明風露冷時許侍

清班

馳道

見一卷

通明

古今注通明殿玉帝殿名

晨起儀臺立煙青望眼迷草低鷹側目車逼馬廻
蹄風勁弓弦直泥融柱礎低蚊蠅深歛跡塵尾不

須攜

側目

杜甫畫鷹詩側目似愁胡

塵尾

世說王夷甫恒捉白玉柄塵尾與手都無分別

埤雅鹿大者曰麀群鹿隨之隨塵尾所轉古談者揮焉

紫極中天正森森接帝青雁歸傳帛信雉落舞紅
翎寶所金千頃朱門帶萬釘瀛洲清淺處高坐納

正

地理上

空冥

紫極

張衡靈憲渾儀紫宮為皇極之居

傳帛

漢蘇武傳漢求武等匈奴詭言武死

後漢使復至匈奴常惠教使者謂單于天子射上林中一日得雁足上有係帛書言武等在某

澤瀛洲見二卷中

瀛洲見二卷中

昔年曾扈蹕宿直對龍峰錦掣蘭苕翠波翻墨沼
龍起居青簡注除拜紫泥封共說先皇日干官總

任冬

鰲峰

虞道園學古錄鰲峰者國史院庭中石名也伯寧御史為僕言自其先公時與諸老

名勝賦詩者

蘭苕翠

郭璞詩翡翠戲蘭苕容色更相鮮杜甫詩才力應難

蓋數百篇

誇數公凡今誰是出群雄或看

翡翠蘭茗上未掣鯨魚碧海中

者稱其筆法飄若游雲矯若驚龍

嘗云張芝臨池學書池水盡黑

恢欲殺青簡

以寫經書

帝以應昌路東七百里

駐冬之地朔建城邑

土驛高低置蒼茫七日程馬通分熠耀牛酪注深

清殘雪明珠闕繁星列火城前山黃白處草藥不

知名

馬通後漢戴就傳註本草珠闕神異經東北大

高百尺上有明月珠

徑三寸光照千里

火城李肇國史補京師每歲正旦曉漏以前宰

地理上

相三司使大金吾皆樺燭百炬擁馬方布象城謂之火城

千堞蜂腰凸群山馬首朝沙場調俊鶻草窟射豐

貂開舞花頻簇狂歌酒恣澆今春事減土舍雪

齊腰

箭落驚遊騎鈴傳督運車土風殊楚越驛道仿褻

斜細雨三更枕清秋八月槎夜聽繁管急漸習五

陵奢

褻斜西都賦右界褻斜隴首之險註梁州記曰萬石城沂漢上七里有褻斜谷南口曰褻

北口曰斜長**八月槎**見三卷**五陵奢**西都賦南四百七十里泛海註望杜霸北

眺五陵名都對郭邑居相承英俊之域級冕所
興冠蓋如雲七相五公注漢書曰高帝葬長陵
惠帝葬安陵景帝葬陽陵
武帝葬茂陵昭帝葬平陵

長齋孤館靜捧腹睡便酒斷眸凝碧塵深鬢返
玄凍蜂粘暝草乳燕啄冰泉過翼時頻數鄉心日
夜懸

長齋

抱朴子呼吸導引長齋久潔

捧腹

史記日者傳司馬季主奉腹大笑

便

便

後漢邊韶傳韶曾晝日假小童子嘲之曰邊孝先腹便便懶讀書但欲眠

同楊仲弘應舉和袁集賢上都雜詩

柳貫

幄殿曾雲陣，轅門積雪峯。奇鷹皆戴角，御馬盡飛龍。瀚海將臨幸，云亭望陟封。青丘大羽獵，有事待

玄冬

轅門

周禮掌舍設甫宮轅門漢項羽傳註張晏曰軍行以車為陳轅相向為門

戴角

埤雅鷹頂有角毛微起今通謂之角鷹

飛龍

周禮馬八尺以上曰龍

瀚海

史記

衛青傳封狼居胥山禪於姑衍登臨翰海索隱曰按崔浩云北海名群鳥之所解羽故云翰海

廣志在

云亭

史記封禪書昔無懷氏封泰山禪沙漠北云云黃帝封泰山禪亭亭註云云

山在梁父東亭

青丘

子虛賦秋田乎青丘服虔曰青丘國在海東三百里

經遊還絕塞際，遇復清朝天。暑無蒙，綵輕寒已禦。

貂盤空蓋屢薦觴至酒頻澆貧病諳為客何慚帶

減腰

水草方方善弓弧戶戶便合圍同婦女從戍到曾

玄雲毳千家帳冰瓢百眼泉浚稽山更北長望斗

光懸

水草

史記匈奴傳還水草遷徙無城郭常處

弓弧

易弦木為弧註角曰弓木曰弧

浚稽山

史記匈奴傳漢使浞野侯破奴出朔方至浚稽山而還應劭曰在武威縣北

上京雜詩二首

周伯琦

省方繩祖武清暑順天時法從嚴番直周廬肅羽

儀矚瑜駝背展匝馬頭垂惟有都人士長望雨

露私

省方

易風行地上觀君子以省方觀民設教

祖武繩其祖武

法從

見二

卷

周廬

史記秦始皇紀周廬設卒甚謹漢書曰義直宿曰廬

矚瑜

風俗通織毛禱

日矚

匝

杜甫詩兩頭金匝匝韻會匝匝周繞貌

卑溼如吳楚雄嚴軼漢唐土牀長伏火板屋頗通

涼菌出沙中美椒生地上香忘歸江海客直欲比

家鄉

九月一日還自上京途中紀事五首

周伯琦

九月灤陽道寒煙暗遠坳有山皆積雪無水不成
冰獵犬高於鹿鳴鴉大似鷹欲為風土記問俗果
誰憑

灤陽

明一統志灤州在永平府城南四十二里本商孤竹國因灤河而名

風土記

隋經籍志風土記

三卷晉周處撰

行宮臨白海金碧出微茫銅豹分署鞬鷹亦有
房射熊名比漢祝網德懷湯乾豆遵彝典人瞻日
月光

白海

伯琦紀行詩註察罕腦兒猶漢言白海也水樂深不可測氣皆白霧其地有行在宮

日亨嘉殿闕庭如上京而殺焉作上屋

養鷹名鷹房駐蹕于是秋必校獵焉

鞬射臂決也通鑑註鞬等

捍也鮑昭詩昔如鞬上鷹身

置其四面

祝網呂氏春秋湯見罔置四面湯拔其三面

取其犯命者

乾豆見三卷

龍門天下壯只尺異寒暄雲氣東西接泉聲日夜

喧柳榆環岸塹瓜瓞擁籬樊頗似燕南道農家各

有邨

龍門

明一統志龍門山在雲州堡東北五里兩山對峭高數百尺望之若門塞外諸水出

其下故又名龍門峽塹廣韻繞城水也七艷切

瓜瓞詩綿綿瓜瓞鄭箋瓞小瓜

高嶺號槍竿危亭揭嶺顛四山皆培塿萬里盡平川草樹秋猶秀冰霜石半堅全燕歸眼底佳氣鬱中天

槍竿嶺

明一統志長安嶺堡在宣府城東北一百四十里舊名槍竿嶺

北口七十二居庸第一關峭厓屏列翠急澗玉鳴環佛閣騰雲霧人家結市閭馬前軍吏候使節幾時還

居庸

通鑑註漢志有軍都居庸兩縣蓋縣各有關也唐地理志幽州昌平縣西北三十五

里有納欵關卽居庸故關王惲中堂事紀居庸
 關世傳始皇北築時居庸徒於此故名兩山巉
 絕中若鐵峽控扼南北實爲古今巨防列翠孫綽天台山賦鳴環
陸機詩山溜何洽佛閣北五里今改建永明寶
洽飛泉漱鳴玉相寺宮殿甚壯麗

上都三首

釋梵琦

避暑宜來此逢冬可住不地高天一握河雜水長
 流赤日不知夏清霜常似秋向來冰雪窟今作帝

王州

王畿千里近御苑四時春苜蓿能肥馬葡萄不醉

人衮衣明日月關塞絕風塵古有官名諫今無事

可陳

苜蓿

史記大宛傳馬嗜苜蓿爾雅翼苜蓿似灰藿秋後結實黑房纍纍如稊米可為飯亦

可釀酒

雙闕上雲霄層城近斗杓夜開金殿鑠晨赴紫宸

朝月屋閒浮螿霜空好射雕有官兼宰相誰復似

嫖姚

斗杓

見一卷寅杓註

金殿

見二卷

浮螿

張衡南都賦醪敷徑寸浮螿若萍註

釋名曰酒有汎齊浮蟻在上汎汎然如萍之多者

射雕

史記李廣傳天子使中貴人從

廣擊匈奴貴人將騎數十縱見匈奴三人與戰
 三人還射傷中貴人貴人走還見廣廣曰是必
 射雕者也註嫖姚史記霍去病傳再從大將軍
 雕大鷲鳥也嫖姚大將軍受詔予壯士為嫖姚
 校尉師古曰去病後為嫖
 騎將軍尚取嫖姚之字耳

送馮判官

高適

碣石遼西地漁陽薊北天關山惟一道雨雪盡三
 邊才子方為客將軍正愛賢遙知幕府下書記日

翩翩

碣石

桑欽水經碣石山在今遼西臨榆縣南水
 中注秦始皇漢武帝皆嘗登之海水西浸

歲月逾甚而苞其
 山故言水中矣

漁陽

括地志故城在檀州密
 雲縣南十八里漁水之

北今薊三邊後漢靈帝紀鮮卑寇三邊注謂東西與北邊幕府漢馮唐傳

註軍旅無常居止書記魏文帝與吳質書元瑜

故張幕居之也書記翩翩致足樂也唐

百官志元帥節度使

使有掌書記一人

薊門

白範

西來山盡處始見薊州城城拱三門峻天迴一面

平人煙多戍卒市語雜番聲回首松亭道秋風幾

日程

薊門一統志薊門在順天府東二百里寰宇記開元十八年析幽州之漁陽三河玉田三

縣置薊州取古三門薊州志州北倚山原南瀕

薊門關以名州三門海水城門三東曰威遠南

曰平津西
曰拱極

早度蒲關

唐明皇

鍾鼓嚴更曙，山河野望通。
叫鑿蒲坂飛旆入秦中，
地險關逾壯，天平嶺尚雄。
春來津樹合，月落戍樓空。
馬色分朝景，雞聲逐曉風。
所希常道泰，非復候繻同。

蒲關

唐志河東道河中府河西縣有蒲津關開元十二年鑄八牛牛有一人策之牛下有

山皆鐵也夾

嚴更

西都賦衛以嚴更之署

鳴鑿

西都賦大輅鳴鑿注周禮曰凡御輅儀以鑿和為節鄭康成曰鑿在衡和在軾皆以金鈴也

蒲坂

帝王世紀舜都蒲坂唐志蒲津關一名蒲坂

地險

易地險山川丘陵也

天

平

漢武五子傳天平地安陰陽和調

候繻

漢終軍傳軍步入關關吏予軍繻軍問以

此何為吏曰為復傳還當以此合符張晏曰繻音須符也書帛裂而分若券契

奉和聖製早度蒲津關

徐安貞

仙掌臨秦甸虹橋闢百關兩都分地險一曲渡河

灣路得津門要時稱士戍閑城花春正發岸柳曙

堪攀後乘猶臨水前旌欲換山長安迴望日宸御

六龍還

仙掌

唐志華州華陰縣垂拱元年更名仙掌

虹橋

風土記陽羨縣有大橋橋中高

起有似虹形初學記河東周成王封其弟叔虞其子燮是為晉侯六龍夏時

乘六龍以御天

途次陝州

唐明皇

境出三秦外途分二陝中山川入虞虢風俗限西東樹古棠陰在耕餘讓畔空鳴笳從此去行見洛

陽宮

陝州唐志陝州本弘農郡武德元年曰陝州三秦漢高帝紀信因陳羽可圖三秦

易井之計應劭曰章邯為雍王司馬欣為二陝塞王董翳為翟王分王秦地故曰三秦史記燕召公世家自陝以西召虞虢漢志弘農郡陝縣故公主之自陝以東周公王之

虢國地括地志故虞城在陝州棠陰詩蔽芾甘棠勿翦勿

伐召伯所史記燕世家民戴召公之讓畔政懷棠樹不敢伐歌咏之作甘棠之詩記

五帝紀舜耕歷山鳴笳魏文帝與吳質書從者歷山之人皆讓畔

於後車廣韻笳簫卷蘆葉吹之

送楊子

岑參

斗酒渭城邊
壚頭耐醉眠
梨花千樹雪
楊葉萬條煙
惜別添壺酒
臨岐贈馬鞭
看君頰上去
新月到

家園

渭城水經注秦始皇作離宮於渭水南北以象天宮又長安城漢惠帝元年築即咸陽也

行記集
卷之四
地理上
七

秦離宮無城故城之唐縣屬潁州汝陰郡見唐志 頽上

澆水東店送唐子歸嵩陽

岑參

野店臨官路重城壓御堤山開霸水北雨過杜陵

西歸夢秋能作鄉書醉嬾題橋迴忽不見征馬尙

聞嘶

澆水

見二卷

嵩陽

唐縣屬河南府見唐志

霸水

見二卷

杜陵

宣帝

葬杜陵

見漢書

送唐環歸敷水莊

賈島

毛女峯當戶日高頭未梳地侵山影掃葉帶露痕

書松徑僧尋藥沙泉鶴見魚一川風景好恨不有

吾廬

敷水

唐志華陰縣西二十四里有敷水渠

毛女峯

華嶽志峯在華山頂西北列仙

傳毛女字玉姜在華陰山中山客獵師世世見之形體生毛自稱秦始皇宮人秦亡入山食松葉遂不饑寒

吾廬

陶潛詩吾身輕如飛亦愛吾廬

送鳳翔范書記

李頻

京西無暑氣夏景似清秋天好來相辟高人去自

由江山通蜀國日月近神州若共

一作好共

將軍話河

蘭地未收

鳳翔

舊唐志肅宗克復兩京置鳳翔府號為西京與成都京兆河南太原為五京

神

州

魏都賦註河圖括地象曰崑崙東南地方五千里名之曰神州帝王居之

河蘭

州

名屬隴右道廣德元年吐蕃陷河蘭見唐志

過故關

韓琦

春日并州路群芳夾故關前騶驅弩過別境荷戈
還古戍餘荒堞新耕入亂山時平民自適白首樂

農閑

并州

唐志太原府太原郡本并州開元十一年為府

早行

郭良

早行星尚在數里未天明不辨雲林色空聞風水
聲月從山上落河入斗間橫漸至重門外依稀見
洛城

早發洛中

許棠

半夜發清洛不知過石橋雲增中岳大樹隱上陽
遙慙黑初沉月河明欲認潮孤村人尙夢無處暫
停橈

石橋

水經注朱超石與兄書云橋去洛陽宮六
七里悉用大石下員以通水可受大舫過

題其上云太康三年十一月初就
功日用七萬五千人至四月未止

中岳

爾雅嵩
山爲中

嶽上陽舊唐志上陽宮在宮城之西南隅南臨洛水西距穀水

同李二十八夜次襄城 韓愈

周楚仍連接川原乍屈盤雲垂天不暖塵漲雪猶
乾印綬歸台室旌旗列將壇欲知迎候盛騎火萬
星攢

襄城縣屬汝州臨汝郡見唐志台室謝莊月賦增華台室將

壇按昌黎年譜元和十二年公以裴丞相請兼御史中丞賜三品衣為行軍司馬有同李二

十八夜次襄城又有同李二十八員外從裴相公野宿西界詩

次蘇州 李父

洛渚問吳潮。吳門想洛橋。夕煙楊柳岼。春水木蘭
橈。城邑南樓近。星辰北斗遙。無因生羽翼。輕舉託
還飈。

蘇州

蘇州吳郡屬江南道見唐志

木蘭橈

述異記七里洲中有魯班刻木蘭爲

舟至今在洲中

秋日送方干游上元

曹松

天高淮泗白。料子趨修程。沒水疑山動。揚帆覺岼
行。雲離京口樹。雁入石頭城。後夜分遙念。諸峯月
霧生。

上元

唐縣屬江南道昇州見唐志

京口

舊唐志丹徒吳為京口圖經其城因山為

壘綠江為境爾雅丘絕高曰京故名

石頭城

方輿勝覽建康石頭城蓋六朝形勝所必

爭之地在城西二里吳志建康十年城石頭水經注吳時悉土塢義熙十年加磚累石頭因山

以為城因江以為池地形險固有奇勢

次北固山下

王灣

英靈題作江南意首尾四句不同序曰灣遊吳中作江南意詩曰海日生殘夜江春入舊年詩人已來少有此句張燕公手題政事堂每示能文令為楷式

客路青山下
行舟綠水前
潮平兩岸濶
風正一帆懸
海日生殘夜
江春入舊年
鄉書何處達
歸鴈洛

陽邊

北固山

方輿勝覽鎮江府北固山在州北一里廻嶺下臨長江其勢險固

秋登宣城謝朓北樓

李白

江城如畫裏山色望晴空
兩水夾明鏡雙橋落彩
虹人煙寒橘柚秋色老
梧桐誰念北樓上臨風懷

謝公

宣城

齊謝朓傳出為宣城太守唐志宣城縣屬宣州宣城郡

兩水

元方虛谷云宣

州有雙溪壘嶂此州勝景也所以云兩水惟有兩水所以有雙橋

彩虹

楚詞建彩虹以

標搖詳見虹橋註

新詩集

州亦變矣墨壘壘北山... 鼓隨襄

宣如... 齊陽湖... 式代盛

松公

連人獸寒辭辭... 淋淋華念其對

五知吹毒夏山... 雨木夾即繪雙辭

林登官... 李曰

北固山... 其特

...

近光集卷五 五言律

長洲汪士鋐 文升編纂

歙縣程 峯 夔州叅注

地理下

送王協律遊杭越十韻 元稹

去去莫悽悽餘杭接會稽松門天竺寺花洞若耶
溪浣渚逢新豔蘭亭識有題山經秦帝望壘辨越
王棲江樹春常早城樓月易低鏡呈湖面出雲疊
海潮齊章甫官人戴萼絲姹女提長干迎客闌小

市隔烟迷紙亂紅藍壓甌凝碧玉泥荆南無底物

來日為儂攜

餘杭

杭州餘杭郡屬江南道見唐士寰

會稽

越

會稽郡屬江南道見唐志

天竺寺

方輿勝覽在北山有上天竺中天竺下天竺

若

耶溪

寰宇記在會稽縣東二十八里水經注若耶溪水承嵯峴麻溪溪之下孤潭周數

畝甚清深有孤石臨潭垂崖俯視猿狖驚心寒木被潭森沈駭觀麻潭下注若耶溪水至清明

衆山倒景窺之如畫

浣渚

孔臯會稽記縣東北六十里有土城山勾踐索美女以獻吳王

得諸暨苧蘿山賣薪女西施鄭旦先教習於土城山山邊有石云是西施浣紗石

蘭亭

方輿勝覽蘭亭在山陰縣二十五里

秦帝

孔臯會稽記東有秦望山昔秦始皇王登此使李

斯勒石**越王**方輿勝覽舊經越王臺在種山今碑見在在臥龍之西為一郡登臨勝處

海潮

方輿勝覽江源自歙州界經州又東北流入於海江濤每日晝夜再上常以月十日

二十五日最小月三十七日極大小則漸漲不過數尺大則濤湧高數丈

孔子曰丘少居魯衣逢掖**蓴**本草葉似鳧葵

之衣長居宋冠章甫之冠**蓴**浮水上採莖堪

噉三月至八月莖細如釵股**姹女**後漢五行志桓帝初童謠

名絲蓴五月至十月漸麤硬**姹女**吳都賦長干

曰河間姹女工數錢姹女本作**長干**延屬劉淵林

註大長干在越城東小長干在越城**紙甌**按唐

西韓詩曰考槃在干地下而黃曰干

州貢物有藤紙會稽貢

物有瓷器紙筆見唐志

餞李尉武康

岑參

地理下

潘郎腰綬新霑上縣花春山色低官舍湖光映吏
人不須嫌邑小莫即耻家貧更作東征賦知君有

老親

武康

唐縣屬湖州吳興郡見唐志

霑上

輿地志霑溪在湖州府城霑者以眾流合

集為義凡四水曰苕溪前溪餘不溪及北流溪通謂之霑溪一曰四水蕩激時霑然有聲

花

庾信春賦河陽一縣併是花白帖潘岳為河陽令樹桃李花人號為河陽一縣花

東

征賦

曹大家集子穀為陳畱長大家隨至官所作東征賦

送周都官通判湖州

王安石

淶水烏程地青山顧渚濱酒醪猶美好茶薈正芳

新聚泛樽前戶分班焙上春仁風已及俗樂事始
關身橘柚供南貢槐楓望北辰知君白羽扇歸日
未生塵

烏程

盛弘之荊州記淶水出豫章康樂縣其間烏程鄉有酒官取水為酒酒極甘美方輿

勝覽安吉州

有烏程縣

顧渚

方輿勝覽顧渚在長興西北節水口鎮唐置貢茶院於此

張元之銘云昔夫差顧其

渚次平衍可為都邑故名

茶苑

陸羽茶經一曰茶二曰蕢三曰

設四曰茗五曰薺

送張子尉南海

岑參

不擇南州尉高堂有老親縣樓重蜃氣邑里雜鮫

人海暗三山雨江明五嶺春此鄉多寶玉慎莫厭

清貧

南海

唐縣屬廣州南海郡見唐志

蜃氣

史記天官書海旁蜃氣

樓臺鮫人

博物志南海外有鮫人水居不廢織績其眼能泣珠木華海賦其垠則有天琛水怪鮫人之室

三山

謝靈運詩越海陵三山註東方朔集三山在海中衆仙所居

五嶺

漢張耳傳

南有五嶺之戍師古曰嶺者西自衡山之南東窮於海一山之限耳而別標名則有五焉裴氏廣州記云大庾始安臨賀桂陽揭陽是爲五嶺

寶玉

晉良吏傳廣州包帶山海珍異所出

一篋之寶

可資數世

送桂州嚴大夫

韓愈

蒼蒼森八桂茲地在湘南江作青蘿帶山如碧玉
簾戶多輸翠羽家自種黃甘遠勝登仙去飛鸞不
暇驂

桂州

桂州始安郡屬嶺南道見唐志

八桂

山海經桂林八樹在貴隅東郭璞註貴隅

音番隅孫綽天台賦

賦八桂森挺以凌霜

翠羽

上林賦註翡翠大小如雀雄赤曰翡雌青

日翠洛神賦或拾翠羽

送鄭尚書赴南海

韓愈

番禺軍府盛欲說暫停杯蓋海旂幢出連天觀閣
開衙時龍戶集上日馬人來風靜鷄鴟去官廉蚌

蛤迴貨通獅子國樂奏武王臺事事皆殊異無嫌

屈大才

番禺

舊唐志南海縣即漢番禺縣臨分番禺置南海縣番山在州東三百步黑山在北一

里

龍戶

南部新書長安有龍戶見水色則知有龍或引出但鰵魚而已舊註龍戶探珠

戶也南海亦

馬人

水經注馬文淵立兩銅柱於林邑岸址有遺兵十餘家不

謂之蜃戶

反居壽冷岸南而對銅柱悉姓馬自婚姻今有

二百戶交州以其流寓號曰馬流言語飲食尚

與華 鷓鴣 國語海鳥曰鷓鴣止於魯東門外展

同 鷓鴣 禽曰海其有災乎夫廣川之鳥獸常

知風而避其災也

蚌蛤

見三卷還珠浦注

獅子國

唐西域傳

是歲也海多大風

獅子國居西南海中多奇寶以寶置洲上商

舶償直輒取去能馴養獅子因此以名其國 武

王臺

漢南粵王傳趙佗自立為南粵武王

送段功曹歸廣州

杜甫

南海春天外功曹幾月程
峽雲籠樹小湖日落船
明交趾丹砂重韶州白葛輕
幸君因估客時寄錦

官城

廣州

廣州南海郡屬嶺南道見唐志

交趾

舊唐志安南府交趾縣漢交趾之羸勝地

隋為交趾縣武德四年置

丹砂

晉葛洪傳聞交趾出丹砂求為勾漏令

韶州

韶州

始興郡屬嶺南道見唐志

錦官

見一卷

南中

王建

天南多鳥聲州縣半蕪城野市依蠻姓山村逐水
 名瘴雲沙上起煙火雨中生獨有求珠客年年入
 海行

幸蜀西至劍門

唐明皇

劍閣橫雲峻鑿輿出狩迴翠屏千仞合丹嶂五丁
 開灌木縈旗轉仙雲拂馬來乘時方在德嗟爾勒

銘才

劍門

水經注益昌有小劍城去大劍城三十里
 連山絕險飛閣通衢故謂之劍閣也劍州

劍門縣諸葛武侯相蜀於此立劍門以大劍山
 至此有隘束之路故曰劍門元和郡縣志劍閣

道自利州益昌縣界而南十里至大劍鎮會合
驛道鎮在劍州東四十八里其山峭壁千丈下
瞰絕澗飛閣
以通行旅
翠屏見四卷
千仞張載劍閣銘是

初五丁揚雄蜀王本紀天為蜀王生五丁力士
能移山秦王獻美女與蜀王蜀王遣五

丁迎女見一大蛇入山穴中五丁并引蛇山崩

秦女皆上山化為石輿地廣記昔秦伐蜀不知

道遂作五石牛以金置牛尾下言能糞金以遺

蜀蜀王乃令五丁開道引之秦因滅蜀謂之石

牛**灌木**詩集于灌木爾**勒銘**文選注臧榮緒晉

蜀郡太守隨父入蜀作劍閣銘益州刺史張敏
見而奇之乃表上其文世祖遣使講石記焉

送友人入蜀

李白

見說蠶叢路崎嶇不易行山從人面起雲傍馬頭

生芳樹籠秦棧春流遶蜀城升沉應已定不必問

君平

蠶叢

蜀王本紀蜀王之先名蠶叢拍獲魚鳧蒲澤開明

棧

中記雷侯世宗註棧道閣

道也

梁州圖經棧道連空極天下之至險

升沉

李蕭遠運命論升之於雲則雨施沉之於

地則

君平

漢王貢兩龔鮑傳序嚴君平卜筮於成都市裁日閱數人得百錢足自養

則閉肆下簾而授老子

送人入蜀

李遠

蜀客本多愁今君是勝游碧藏雲外樹紅露驛邊樓杜宇呼名語巴江學字流不知煙雨夜何處夢

刀州

杜宇

師曠禽經江介日子規蜀右曰杜宇張華註啼苦則自懸於樹自呼曰謝豹

巴

江

元和郡縣志渝州古巴國闐白三水曲折如巴字故謂之曰巴江

刀州

見二卷三

注刀

郡齋平望江山

岑參

水路東連楚人煙北接巴山光圍一郡江月照千

家庭樹純栽橘園畦半種茶夢魂知憶處無夜不

京華

送人遊閩越

僧法振

送光集 卷之五 七
不須行借問為爾話閩中海島春寒雨江帆來去
風道遊玄度宅身寄朗陵公此別何傷遠如今關
塞通

玄度

晉許詢
字玄度

朗陵公

後漢荀淑傳補朗陵侯
相莅事明理稱為神君

送番禺杜杵主簿

梅堯臣

行識枕椰樹初窺翡翠巢地蒸蠻雨接山濶海雲
交訟少通華語蟲多人膳庖不須思朔望梅吐臘
前梢

枕椰樹

蜀都賦註枕椰木中有
屑如麵可食出興古

泛永嘉江日暮廻舟

張子容

無雲天欲暮轉鷁大江清歸路煙中遠廻舟月上
行傍潭窺竹暗出嶼見沙明更值微風起乘流絲
管聲

永嘉江

方輿勝覽在永嘉縣按永嘉縣屬温州永嘉郡見唐志

鷁見二益卷

京師寓廠

高啟

誰言舊隱非靜里且相依綠樹城通苑青山對寺
扉官閒休直早客久夢還稀是物春來典唯存舊
賜衣

宿高季迪京館

楊基

歲晚此相逢鄉情似酒濃
語長銷夜燭夢短及晨
鍾急雪風鳴葦微雲月照松
雞前趨闕去寒樹曉
籠葱

句

佛寺乘舟入人家枕水居

白居易百花亭

鯨吞洗鉢水犀溺點燈船

李洞送僧遊南海

山圍杜宇國江入夜郎天

宋祁嘉州江行

雲藏岳麓寺江入洞庭湖

張晉彥渡湘江

午街群吏散亥字老人迎

劉禹錫送人赴絳州

燥茗山中火熬波海上煙

梅堯臣送鹽官劉少府

兩邊楓作岸數處橘爲洲

張九齡初入湘中

臘月雷州雨秋風桂嶺花

楊衡送人流雷州

火山難下雪瘴土不生茶

賈島送人歸安南

望終南山

竇牟

日愛南山好時逢夏景殘
白雲兼似雪清晝乍生
寒九陌峯如墜千門翠可團
欲知形勝盡都在紫宸看

終南山

郡縣志在京兆府萬年縣南五十里錄終南橫亘關中南面西起秦隴東徹

藍田凡雍岐郿鄠長安萬年相去八百里連綿峙踞其南者皆此一山

紫宸

兩京新記

大明宮有紫宸殿在宣政殿北即內朝正殿也

蓬萊三殿侍宴奉敕詠終南山應制

杜審言

北斗挂城邊南山倚殿前雲標金闕迴樹杪玉堂

懸半嶺通佳氣中峯繞瑞煙小臣持獻壽長此戴

堯天

蓬萊三殿

兩京新記西京大明宮中有麟德殿三殿者麟德殿也一殿而

有三面故名唐地理志大明宮在禁苑之東南
本永安宮貞觀八年置龍朔二年改曰蓬萊宮

北斗城

見一卷

金闕

史記封禪書蓬萊方丈瀛洲此三神山者其傳在渤海中黃金白

海中黃金白

玉堂

見二卷

銀為宮闕

終南山行

王維

太乙近天都連山到海隅白雲迴望合青靄入看
無分野中峯變陰晴衆壑殊欲投人宿處隔水問

樵夫

太乙

水經注地理志曰太乙山古文以為終南杜預以為中南也亦曰太白山在武功縣

去長安二百里西京賦注善曰終南山之總名太乙一山之別號

連山

福地記終南東

連驪山太華西連太白至於隴山北去長安城
八十里南入楚塞連屬東南諸山周迴數百里

青靄江淹詩虛分野周禮保章氏以星土辨九州之地所封之域皆有分

星以觀
妖祥

途經華嶽

唐明皇

飭駕去京邑鳴鑿指洛川循途經太華迴蹕暫周
旋翠嶂畱斜影懸巘冒夕煙四方皆石壁五位配
金天彷彿看高掌依稀聽子先終當銘歲月從此
記靈仙

華嶽

玉海十道山川攷華山在華州華陰縣南八里唐明皇紀開元十二年十一月如東

都鳴鑾

見四卷

洛川

洛神賦序予朝京師還濟洛川善曰洛川洛水之川也洛

水出

太華山

山海經太華之山削成而四方其高五千仞其廣十里

金天

杜氏通典先天二年封華山神為金天王石氏星經西方白帝其精白虎司秋司金司西嶽

高掌

西京賦綴以二華巨靈鼉高掌遠蹠以流河曲厥迹猶存薛綜註巨靈河神也古

語云此本一山當河水過之而曲行河之神以手擘開其上足蹋離其下中分為二以通河流

手足之迹

子先

列仙傳呼子先者漢中關下卜師壽百餘歲臨去呼酒家嫗合

急裝便有仙人持二茅狗來子先驚一與嫗因各騎之乃龍也上華陰山常於山上下大呼言子

先酒家毋在此

奉和聖製途中經華嶽應制

張說

西嶽鎮皇京中峯入太清玉鑿重嶺應緹騎薄雲
迎霽日懸高掌寒空類削成軒遊會神處漢幸望
仙情舊廟青林古新碑綠字生群臣願封岱還駕
勒鴻名

西嶽爾雅華山太清見一卷緹騎見二卷削成見太華注

郭璞曰今山形上軒遊史記封禪書天下名山

大下小峭峻也中國華山首山太室太山東萊漢幸華山記弘

此五山黃帝之所常游與神會月曉入華山見童子執五彩囊盛栢葉露舊廟

食之武帝即其地造宮殿歲時祈禱焉漢地理志太華山有祠鄭樵通志自虞舜西狩三代以降莫不有祠然皆不廟立廟自武帝始

青林

揚雄羽獵賦布乎青林之下

新碑

唐會要開元十二年幸東都至華州命刺

史徐知仁與信安王禕勒石於華嶽祠南之通衢上親製文

綠字

五色線尚書中候曰

堯沉璧於洛玄龜負

封岱

說文岱泰山也史記封禪書齊桓公欲封

禪管仲曰古者封泰山禪梁父者七

鴻名

司馬相如

十有二家而夷吾所紀者十有二焉

封禪書前聖之所以永保鴻名而長為稱首者用此

奉和聖製途經華山

張九齡

萬乘華山下千巖雲漢中靈居雖窅密睿覽忽玄

同日月臨高掌神仙仰大風攢峯勢岌岌翊輦氣

熊熊揆物知幽贊銘勳表聖衷會應陪玉檢來此

告成功

玄同

老子知者不言言者不知是謂玄同

大風

史記高祖紀高祖還歸過沛置酒沛

宮酒酣高祖擊筑自為歌詩曰大風起兮雲飛揚威加海內兮歸故鄉安得猛士兮守四方

熊熊

史記天官書歲星熊熊赤色有光

玉檢

漢武帝紀注孟康曰王者功成治定

告成功於天封崇也助天之高也刻石記號有金策石函金泥玉檢之封焉

早登太行山中言志

唐明皇

清蹕度河陽凝笳上太行火龍明鳥道鐵騎繞羊腸
白露埋陰壑丹霞助曉光澗泉含宿凍山木帶餘霜
野老茅為屋樵人薜作裳宣風問耆艾敦俗

勸耕桑涼德慙先哲徽猷慕昔王不因今展義何
以冒垂堂

太行山

括地志太行山在懷州河內縣北二十五里

河陽

河陽縣屬孟州見唐

志

笳見四卷

火龍

即火炬也山海經赤水之北有神人面蛇身其瞑乃晦其

視乃明是謂燭龍

羊腸

呂氏春秋高誘註羊腸其山盤紆如羊腸史記索隱魏世家註

羊腸坂在太行山上南口懷州北口潞州

薜裳

楚辭採薜荔以為裳

垂堂

司馬相如

上書諫獵千金之子坐不垂堂

奉和聖製早登太行山言志

張九齡

孟月攝提貞乘時我后征晨巖九折度暮戒六軍

行日御馳中道風師卷大清戈鋌林表出組練雪
 間明動植希皇豫高深奉睿情陪游七聖列望幸
 百神迎氣色煙猶喜恩光草尚榮之罍稱萬歲今
 此復同聲

攝提

漢天文志太歲在寅日攝提格

九折

三秦紀隴坂其坂九迴不知高幾許

六

軍

周禮王六軍大國三軍次國二軍小國一軍

日御

廣雅日御曰羲和

風師

呂氏春秋風師曰飛廉風俗通風師箕星也

戈鋌

班固東都賦戈鋌彗雲說文鋌小矛

也組練

左傳楚子伐吳組練三百被練三千

七聖

莊子黃帝見大隗於具茨之山

方明爲御昌寓駮乘張若隰朋前馬昆閭滑稽
 後車至於襄城之野七聖皆迷適遇牧馬童子

問途 焉 百神 見一卷 之杲 漢武帝紀太始三年登之杲浮大海山稱萬歲

奉和早登太行山中言志應制

張嘉貞

明發扈山巔飛龍高在天山南平對鞏山北遠通
燕瞻彼岡巒峻憑茲士馬妍九圻行若砥萬谷輾
如川羅網開三面閭閻問百年澤將春雪比文共
曉星連後后逢今聖登台謝曩賢唯公事君節不
讓古人先

飛龍 易飛龍在天利見大人 鞏 鞏縣屬河南府見唐志 羅網 見四卷祝網註

正光集 卷之五 地理下

奉和聖製登驪山高頂寓目應制

蘇頌

仙蹕御層氛高高積翠分巖聲中谷應天語半空
聞豐樹連黃葉函關入紫雲聖圖恢寓縣歌賦小
橫汾

驪山

漢志驪山在新豐南唐志昭應本新豐有宮在驪山下 豐樹史記高祖紀更

命酈邑曰新豐舊唐志京兆府京兆郡昭應縣本新豐垂拱元年曰慶山神龍元年復故名

函關

雍錄秦函谷關在唐陝州靈寶縣南深險如函故以為名東自轅山西至潼津通名

函谷漢函谷關在唐河南府新安縣蓋漢世楊僕移秦函谷關而立之於此也按移關事見武

帝紀橫汾見二卷

汾歌註

登驪山高頂應制

李义

嗥萬等懸居高敞御筵行戈疑駐日步輦若升
天城闕霧中近關河雲外連謬陪登舁駕欣奉濟

汾篇

駐日

淮南子魯陽公與韓遘難戰酣方暮援戈而麾之日爲之反三舍

登舁

穆天子傳天子騎

列於舁山

登驪山高頂應制

趙彦昭

皇情遍九垓御輦駐昭回路若隨天轉人疑近日

來河看大禹鑿山見巨靈開願扈封鑿駕常持薦

壽杯

九垓

淮南子吾與汗漫期於九垓之上

巨靈

遁甲照山圖有巨靈胡老徧得坤元

之道能造山川出江河

登驪山高頂寓目應制

張說

寒山上半空臨眺盡關中是日巡游處晴光遠近
同川明分渭水樹暗辨新豐巘壑清陰暮天歌起
大風

巫山高

李端

巫山十二重

一作峯

皆在碧虛中迴合雲藏日霏微

雨帶風猿聲寒度水

一作澗

樹色暮連空愁向高唐

去千

一作清

秋見楚宮

巫山

夔州雲安郡有巫山縣中有巫山見唐志

十二重

圖經巫山山有十二峯上

有神女廟陽雲臺高一百二十丈

猿聲

盛弘之荊州記每至晴初霜旦林寒澗肅常有

高猿長嘯屬引清遠空谷傳響哀轉久絕故漁者歌曰巴東三峽巫峽長猿鳴三聲淚霑裳

高唐

宋玉高唐賦昔者先王嘗遊高唐怠而晝寢夢見一婦人曰妾巫山之女也為高唐

之客聞君游高唐願薦枕席王幸之而去辭曰妾在巫山之陽高唐之阻旦為朝雲暮為行雨

朝朝暮暮陽臺之下旦日視之如其言故為立廟號為朝雲

巫山高

皇甫冉

巫峽見巴東迢迢出半空雲藏神女館雨到楚王宮
朝暮泉聲落寒暄樹色同清猿不可聽偏在九

秋中

巫峽

水經注大巫山非惟三峽所無乃當抗峯岷峨借嶺衡疑其間一百六十里謂之巫

峽蓋因山為名也盛弘之荊州記自三峽七百里中兩岍連山各無絕處重巖疊嶂隱天蔽日自非亭午夜分不見曦月春冬之時則素湍綠潭迴清倒影絕巘多生檉栢懸泉瀑布飛漱其間

商山十二韻

王禹偁

六百里巉巖嵐光霽後添經年吟未得元注余到商州已經

年盡日看無厭僧舍青當檻人家翠滿簷氣蒸丹

水碧元注丹水在商州入漢脉潤紫芝甜嶺礙翻雲鷲元注

鷲嶺最高峯遮落海蟾澗深春有凍影闊夏無炎勢關

嵩并華名欺霍與濶石危蹲虎脚松老咤龍髯曉

榻便欹枕晴樓嬾下簾未能棲岫幌猶道佐彤襜

望久衣襟濕登多屐齒黏何當隨四皓深隱避猜

嫌

商山商州志商山在丹山之南形如商字路通武關六百里戰國策張儀南見楚

卷之五 地理下

王曰大王苟能閉關絕齊臣請紫芝高士傳秦

使秦王獻商於之地方六百里皓共避世于商山作歌曰英英商始王時四

山深谷透迤煌煌紫芝可以療饑爾雅華嵩華山為西

嶽嵩高爾雅霍山為南嶽漢武帝紀登潛霍山在潛潛縣名文穎潛立若潛南嶽

曰天柱山在潛縣音岑四皓東園公用里先生見

少室南原 元好問

地僻人煙斷山深鳥語譁清溪鳴石齒暖日長藤

芽綠映高低樹紅迷遠近花林間見雞犬直擬是

仙家

少室

十道山川攷在河南府登封縣西四十里戴延之西征記嵩高山巖中也東謂太室

西謂少室相去十七里嵩高其總名也謂之室者以其下各有石室少室高八百六十丈上方十里與太室相埒焉雞犬神仙傳淮南王白日昇天時藥置庭中雞犬甜之盡得昇天

仙家

郭緣生述征記漢武築登仙臺於此

秋山極天淨

朱延齡

雨洗高秋淨天臨大野閑
蔥蘢清萬象繚繞出層山
日落千峯上雲銷萬壑間
綠蘿霜後翠紅葉雨來
殷散彩輝吳甸分形壓楚關
欲等霄漢路延首願登攀

句

迥識平陵樹低看華嶽蓮

李嶠登驪山高頂

煙霞含紫氣草木識天香

揭奚斯和虞伯生祀南嶽

雲起爭峯勢花交隱澗枝

張喬商山道中

漢江臨泛

王維

楚塞三湘接荆門九派通江流天地外山色有無
中郡邑浮前浦波瀾動遠空襄陽好風月留醉與

山公

漢江

括地志嶓冢山水始出山沮洳故曰沮水東南為潯水又為河水至漢中為漢水至

均州爲滄浪水始欲出大江爲夏口又爲沔口
漢江一名沔江通志漢江在漢中城南三里東
流入襄陽界 **楚塞** 見一 **三湘** 震宇記湘潭湘鄉湘陰
沅也梁僧寶志爲符書 **荆門** 盛弘之荆州記郡
云起自沔蔡臨于三湘 **荆門** 西沔江六十里南
岸有山名曰荆門上合下開 **九派** 劉向說苑禹
達山南有門形故因以爲名 **九派** 鑿江通于九
派郭璞江賦荆門鬪竦 **山公** 晉山簡傳假節鎮
而盤礴流九派于潯陽 **山公** 襄陽諸習氏有佳
園池簡每出遊嬉多之池上置酒輒醉名曰高
陽池時有童歌曰山公出何許住至高陽池日
夕倒載歸酩酊無所知時時能騎馬倒
著白接羸舉鞭向葛疆何如并州兒

與鄂縣群官泛漢陂

岑參

萬頃浸天色千等窮地根身移城入樹岸濶水浮

村閑鷺鷥簫管潛虬傍酒樽
暝來呼小吏列火傍

歸軒

鄠縣

屬京兆府
見唐志

漢陂

說文漢陂在京兆鄠縣其
周一十四里
具安志漢陂

出終南山諸谷
合胡公泉為陂

惟此溫泉是稱愈疾豈余獨受其福思與

兆人共之乘暇巡遊乃言其志

唐明皇

桂殿與山連蘭湯湧目然陰崖含秀色
溫泉吐潺湲績為蠲邪著功因養正
宣願言將億兆同此共

昌延

溫泉

博物志凡水源有石流黃其泉則溫或云神人所暖主療人疾

桂殿

三輔舊事

桂宮內有明光殿廡肩吾詩桂殿月偏來

蠲邪

北齊劉逖浴溫湯詩溫湯多蕩邪

養

正

夏蒙以養正聖功也

幸鳳泉湯

唐明皇

西狩觀周俗南山歷漢宮薦鮮知路近省歛覺年

豐陰谷含神爨湯泉養聖功益齡仙共合愈疾醴

源通不重鳴岐鳳誰矜陳寶雄願將無限澤霑沐

衆心同

鳳泉湯

鳳泉縣屬鳳翔府見唐志扶風縣志泉在天度鎮北十里山巔文王時鳳鳴岐

山飲西狩

春秋西狩獲麟

薦鮮漢叔孫通傳漢惠帝嘗出遊離宮叔通曰古者

有春嘗菓方今櫻桃初熟可獻願陛下出取櫻桃獻宗廟

神爨

見溫聖功養

正仙井

百氏六帖蔡誕曰仙人有玉井

醴源

後漢光武紀中元元年京師醴泉湧

出飲之痼疾皆愈

鳴鳳

國語周之興也鸞鸞鳴于岐山竹書紀年周文王元年有鳳集

于岐山

陳寶

漢郊祀志秦文公獲若石于陳倉北坂城祠之其神光輝若流星從東方

來集于祠城若雄雉其聲殷殷云野雞夜鳴以一牢祀之名曰陳寶太康記秦文公時陳倉人

獵得獸若彘而不知其名道逢二童子曰此名為糞弗述糞弗述亦曰彼二童子名為寶雞得

雄者王得雌者霸陳倉人舍糞弗述逐二童子化為雉雄止陳倉化為雌如楚止於南陽

晦日同志昆明池泛舟

朱餘慶

靈沼疑河漢蕭條見斗牛
煙生知岸近水淨覺天
秋落月低前樹清輝滿
去舟興因孤嶼起心為白
蘋留曉吹兼漁唱閑雲
伴客愁龍津如可上長嘯
且乘流

斗牛

見二卷

清輝

謝靈運詩清暉能娛人

孤嶼

謝靈運詩孤嶼媚中山註

嶼海中洲上有山石

奉詔遊曲江池

鄭谷

王澤尚通津恩波此日新
深宜一夜雨宛似五湖

春泛灩翹振鷺澄清躍紫鱗翠低孤嶼柳香失半
汀蘋鳳輦尋佳境龍舟命近臣桂花如入手願作
從遊人

五湖

周禮揚州之浸曰五湖史記正義五湖者
菱湖游湖莫湖貢湖胥湖皆太湖東岸五

灣爲古湖蓋古時
應別今並相連

振鷺

詩振鷺于飛毛
傳振群飛貌

句

莫訝清時少都緣曲處多

徐夔黃河

春流無舊岸夜色失諸峯

曹松九江暮春

雨晴山有態風晚水無痕

王周泊姑熟口

江風長借客岳雨不因天

裴說旅次衡陽

魚龍隨水上鐘磬隔江聞

薩天錫石頭城

逢山方得地見月始知天

羅處約題太湖

海湧銀爲郭江橫玉繫腰

楊廷秀海潮